


T110/1220(19)

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

19

MAY 11 1951

春秋集註



春秋胡傳卷之十六

魯宣公上

公名倭一

名倭一

名倭一

名倭一

名倭一

名倭一

周

匡王五年魯宣公二年
年匡王崩弟定王立

鄭

穆公二十年魯宣公三年
公夷立宣四年靈公弒弟襄公堅立

齊

惠公元年魯宣公十年
惠公卒子頃公無野立

宋

文公元年

晉

靈公繼霸十三年趙盾為政魯宣公二年靈
公弒成公黑臀立宣八年卻缺為政宣九年

成公卒子景公繻立宣十一年荀林父為政
宣十六年士會為政宣十七年卻克為政

晉註

候反

哈佛大學
圖書館
藏
宣公上

衛 成公二十七年魯宣公九年

蔡 文公四年魯宣公十七年

曹 文公十年魯宣公十四年

陳 靈公六年魯宣公十年

杞 桓公二十九年

薛 詳見僖公九年

宮 季佗元年

邾 定公六年

許 昭公十四年魯宣公十七年

小 詳見僖公元年

楚 莊王六年魯宣公十一年盟辰陵討陳春秋始子楚莊王以霸宣十一年楚叔孫敖為令尹宣十一年敗晉于邲宣

秦 共公元年魯宣公四年

吳 詳見隱公元年

越 詳見隱公元年

癸 莊王元年 晉靈十三年齊惠公元年 衛成二十五年

文 十年 陳靈六年 杞桓二十九年 宋文三年 秦共公 桓元年 楚莊六年

春王正月公即位

宣公為弑君者所立受之而不討賊是亦聞乎弑也故如其意為而君即位以著其自立之罪而不嫌於同辭美一也有小大則褒詞異惡一也有小大則貶詞異一美一惡無嫌同於

季子遂如齊逆女音註

命也尊君

魯秉周禮喪未期年遣卿逆女何亟乎太子赤齊出也仲遂殺子赤及其母弟而立宣公懼於見討故結婚于齊為自安計越典禮以逆之如此其亟而不顧者必敬羸仲遂請齊立接之也謀也其後滕文公定為三年喪父兄百官皆不欲曰吾宗國魯先君莫之行也喪紀浸廢夫豈一朝一夕之故自文宣莫之行矣此所謂不待貶絕而罪惡見者也

三月遂以夫人婦姜至自齊音註

尊夫

有不待貶絕而罪惡見者不貶絕以見惡夫入與有罪焉則待貶而後見故不稱氏夫人其如何知惡無禮如野有死麕能以禮自防如草蟲愆期有待如歸妹之九四則可免矣凡稱婦者其詞雖同立義則異逆婦姜于齊病文公也以婦姜至自齊責敬羸也敬羸嬖妾私事襄仲以其子屬之殺世造兄弟出主君夫人援成風故事即以子貴為國君母斬焉在衰服之中請婚納婦而其罪隱而未見也故因夫人至特稱婦姜以顯之此乃春秋推見至隱著妾母當國用事為後世鑒者也槩指為有姑之詞而不察其旨則精義隱矣

音註

音

夏季孫行父如齊

經書行父如齊而不言其故謂納賂以請會者傳也經有不待傳而著者比事以現斯得

矣下書公會齊侯于平州則知其請蓋以賂
之也又書齊人取濟西田則知其請蓋以賂
也雖微傳其事著矣諸侯立卿為公室輔猶
屋之有楹也而謀國如此亦不待賤絕而惡
自見者也不然以行父之勤勞恭儉相三君
而無私積必能以其君顯名於晏嬰等矣
音註積子賜反相三君而無

晉放其大夫胥甲父子衛

放猶羈置母去其所比于專殺者其罪薄乎
云爾或以為近正非矣大夫當官既不請于
天子而自命以為有罪又不告於司寇而擅
刑猶不遠於正乎秦晉戰于河曲撓史駢之
謀者趙穿也若討其不用命則當以穿為首
止治軍門之呼偕賤可也而獨放胥甲父則
以趙盾當國穿其族子而盾庇之也桃園之
罪其志固形於此矣故稱國以放見晉政之

公會齊侯于平州

音註

平州齊地

在私門而成上
侵為後戒也

音註

呼去声止治軍門之呼
事見左傳文公十二年

按左氏曰會于平州以定公位晉宣篡立喻
年舉國臣子既從之矣若之何位猶未定而
有待於平州之會也春秋以來弑君篡國者
已列於諸侯則不復致討故曹人以此請負
芻于晉夫篡弑之賊毀滅天理無所容於天
地之間身無存沒時無今古其罪不待赦也
以列於會而不復討是率中國為戎夷棄人
類為禽獸此仲尼所為懼春秋所以作也然
欲定其位者魯宣宜稱及齊而曰會者討賊
之法也凡討亂臣賊子必深絕其黨而後為
惡者孤也

公子遂如齊

音註

請負芻于晉事見
左傳成公十六年

宣公篡立之罪仲遂主謀為首惡初請于齊
遂為上客而並書介使者罪叔孫得臣不能
為有無亦從之也大夫有以死爭者矣然前
而不書者以叔仲惠伯死非君命夫其所也
遂及行父則一再書于策者於以著其始終成
之可也又再書于策者於以著其始終成
弑立之謀以戒後世人臣或內交宮禁以固
其寵或外結藩鎮以為之援至於殺生廢置
皆出其手而人主不悟者其慮深矣
凡此皆直書于策而義自見者也

六月齊人

取濟西田

音註

濟西魯故地僖

魯人致賂以先討而書齊人取田者所以著
齊罪春秋討賊尤嚴于利其為惡而助之者
所以孤其黨夫齊魯鄰國盟主之餘榮也子
惡弑出姜歸而宣公立不能聲罪致討務寧
魯亂首與之會是利其為惡而助之也弑君
篡國人道所不容而貨賂公行免於諸侯之

秋邾子來朝

定

來朝

討則中國胥為戎夷人類咸為禽獸其禍乃
自不知以義為利而以利之可以為利而為
之也孟子為梁王極言利國者必至於弑奪
而後饜益得經書取田之意舉法如此然後
人知保義棄利亂臣賊子
孤立無徒而亂少弭矣

楚子鄭人

侵陳遂侵宋

音註

陳遂伐宋

以見楚伯

楚書爵而人鄭者賤之也鄭伯本以宋人弑
君晉不能討受賂而還以此罪晉為不足與
也遂受盟于楚今乃附楚以亟病中國何義
乎書侵陳遂侵宋者以見潛師掠境肆為侵
暴非能聲宋罪而討之也既正此
師為不義然後中國之師可舉矣

音註

聲

晉趙盾帥師救陳音註

於是楚始作

鄭在王畿之內而附蠻夷陳先代帝王之後而見侵逼此門庭之寇利用禦之者也晉能救陳則存諸夏攘夷狄之師故特褒而書救凡書救者未有不善之也如解倒懸如拯民於塗炭之中知此義則知春秋用兵之意矣傳稱師救陳宋經不書宋此非闕文乃聖人削之也前方以不能討宋上卿貶而稱人諸侯會而不序今若書救宋則典刑紊矣

宋公

陳侯

衛侯

曹伯

會

師于

柴林

伐鄭音註

以其趙盾也大夫而用諸侯之師於是始其曰會晉師則不以大夫用諸侯

也之辭

列數諸侯而會晉趙盾穀梁子以為大趙盾之事以其大之也故曰師此說非也春秋立

冬晉趙穿帥師侵崇音註

崇小國在京兆鄠縣其美者一美一惡無嫌於同

父入書卻缺侵書趙穿而後凡後書大夫

崇在西土秦所與也晉欲求成於秦不以大義動之而伐其與國則為讓已甚比諸伐楚以救江異矣而傳謂設此謀者趙穿也意者趙穿已不有逆心欲得兵權託於伐國以用其衆乎不然何謀之迂而當國者亦不裁正而從之也穿之名姓自登史策弒君于桃園而書侵以見所以求成者非其道矣

法君為重而大夫與師其禮敵列數諸侯於帥師之下而又書大夫之名氏則臣疑於君而不可以為訓其曰會晉師此乃謹禮於微之意也其立義精矣柴林鄭地也前者地而後伐以為疑詞此其地則以著音註

晉人宋人伐鄭

宋人弒君既列於會，在春秋衰世，已免諸侯之討矣。論春秋王法，則其罪固在法所不赦也。而晉人與之合兵伐鄭，是謂以燕伐燕，庸愈乎其書晉人宋人非將卑師少，蓋貶而人討之也。以貶書伐者，若曰聲罪致討而已。有瑕則何以伐人矣。

音註 論去

甲寅 匡王六年 晉靈十四 弒齊惠二 衛成二十 曹文十 一 陳靈七 杞桓三十 宋 文四 秦共二 楚莊七

春王二月壬子，宋華元帥師及鄭公子歸生帥師戰于大棘，宋師敗績，獲宋華元。

音註 大夫主

始於是凡 戰書大夫

秦師伐晉

兩軍接刃，主將見獲，其負明矣。又書師敗績，詞不贅乎此。明大夫雖貴與師等也，故將尊師少稱將，不稱師。衆將卑稱師，不稱將。將又重將帥之選，其義深矣。或曰：元帥三軍之司命，而輕重若是，班乎自行師而言則以元帥為司命，自有國而言則以得衆為邦本。鄭使高克將兵禦狄于境，欲遠克也，而不恤其師。楚以六卒實從，得臣恐喪師也，而不恤其將。故經以棄師罪鄭，以責其大夫。責楚明此義，然後知王者之權衡矣。

音註 將去声 並

同 遠 去 去

按左氏以報崇也，遂圍雋。晉用大師於崇，乃趙穿私意而無名也。故書侵秦人為是興師，而報晉則問其無名之罪也。故書伐世豈有款求成於強國而侵其所與，可以得成者乎。

穿之情見矣宣子當國筭無遺策獨情於此哉其從之也而省之情亦見矣春秋書事筆削因革必有以也一侵一伐而不書圍焦所以誅晉卿上侵之意其所由来者漸矣

音註 為去聲 憤摸 總反 闇也

夏晉人宋人衛人陳人侵鄭

按左氏晉趙盾及諸侯之師侵鄭以報大棘之後初鄭歸生受命于楚以伐宋經不書伐而以宋華元主大棘之戰者蓋楚人有詞于宋矣師之老壯在曲直晉主夏盟盾既當國合諸侯之師何畏乎楚何避乎鬪椒然力非不足而去之者以理曲也故卿不氏而稱人師書侵而不言伐易於訟卦之象曰君子作事謀始始而不謀將至於興師動衆有不能定者矣晉惟取賂釋宋而不討至以中國之大不能服鄭不競於楚可不慎乎春秋行事

又正其本為末流之君此也其垂戒明矣

秋九月乙丑晉趙盾弑其君夷臯

音註 靈公弑 成公黑

賢立靈公不君而稱臣以弑者以示良史之法深責執政之臣

趙穿手弑其君董狐歸獄於盾其斷盾之獄詞曰子為正卿亡不越境反不討賊以是書斷而盾也受其惡而不越境反不討賊以是書不之革其義云何曰正卿當國任事之臣也國事莫酷於君見弑不於其身而誰責乎亡而越境謂去國而不還也然後君臣之義絕反而討賊謂復讐而不釋也然後臣子之事終不然是有今將之心而意欲穿聞者而縱賊不討是有今將之心而意欲穿之成乎弑矣惡莫慘乎意今以此罪盾乃閑臣子之邪心而謹其漸也盾雖欲辭而不受可乎以高貴卿公之事現焉抽戈者成濟唱

謀者賈充而當國者司馬昭也為天吏者將
原司馬昭之心而誅之乎亦將致辟成濟而
足也故陳泰曰惟斬賈充可以少謝天下耳
昭問其次意在濟也泰欲進此直指昭也然
則趙穿弒君而盾為首惡春秋之大義明矣
微夫子推見至隱垂法後世亂臣賊子皆以
詭計獲免而至愚無知如史太鄧苞樂之徒
皆蒙歸獄而受戮焉君臣父子不相夷以至
於禽獸也幾希故曰春秋
秋成而亂臣賊子懼

音註

斷都亂反並

同樂音洛

冬十月乙亥天王崩

乙卯定王三年晉成公黑臀元年齊憲三衛成二
十二年陳靈八杞桓三十
宋文五秦共三楚莊八

春王正月郊牛之口傷改卜牛牛死乃不郊

乃不郊為牛之口傷改卜牛而牛又死也不
然郊矣禮為天王服斬衰周人告喪于魯史
策已書而未葬也祀帝于郊夫豈其時而或
謂不以王事廢天事禮乎春秋以來喪紀浸
廢有不奔王喪而遠違他國有不備弔禮而
自相聘問固將以是為可舉而不廢也卒至
漢文以日易月後世不能復其所
由來漸矣春秋備書其義自見

猶三望

三望者公羊曰祭泰山河海夫天子有天下
凡宇宙之內名山大川皆其所主也故得祭
大而方望無所不通諸侯有一國則境外
之山川他人所主者而可以望乎季氏旅於
泰山冉求不能救而夫子責之者為泰山魯
侯所主也大夫何與焉季氏不得祭亦
河海非魯之封內其不得祭亦
明矣猶者可已不當為之詞

音註

與音預

葬匡王

四月而葬王室不君其礼畧也微者往會魯侯不臣其情慢也或曰宣王親之者也而常事不書非矣崩葬始終之大變豈以是為常事而不書也

楚子伐陸渾之戎

陸渾之戎按地志陸渾戎在秦晉西北允姓之戎居之後為秦晉遷于伊

川遂從戎號渾尸門反夷狄相攻不志此其志何也為陸渾在王都之側戎身雜處族類之不分也楚又至洛觀兵于周疆問鼎之大小輕重焉故特書于策以謹華夷之辨禁獨夏之階

夏楚人侵鄭

按左氏晉侯伐鄭鄭及晉平而經不書者仲尼削之也鄭本以晉靈不君取賂釋賊為不

足與似也而往從楚非矣今晉成公初立皆僭竊偽邦而歸諸夏則是反之正也春秋大改過許遷善書楚人侵鄭者與鄭伯之能反正也故獨著楚人侵掠諸夏之罪爾鄭既見侵於楚則及晉平可知矣

秋赤狄侵齊

赤狄始見經先儒謂唐叔子孫別在狄者謂之赤狄白狄

俗尚赤衣白衣也地譜云洛州春秋赤狄之地

宋師圍曹

按左氏宋文公即位蓋逐武穆之族二族以曹師伐宋然不書于經者二族以見逐而舉兵非討罪也及宋師圍曹報武氏之亂而經書之者端本清源之意也武穆二族與曹之師奚為至於宋哉不能反躬自治恃眾強以報之兵革何時而息也宋惟有不赦之罪莫

之治也故
書法如此

冬十月丙戌鄭伯蘭卒音註穆公卒靈

葬鄭穆公

丙定王四年音註齊惠四音註成三十音註祭文七

辰二年音註鄭靈公夷元年音註弒曹文十三音註陳靈

九音註杞桓三十二音註宋文六音註秦共四卒音註莊九

春王正月公及齊侯平莒及邾莒人不肯公伐

莒取向音註邾已姓國音淡今為東海郡向莒

怨故公與齊侯共平之音註心不偏黨之謂平以此心平物者物必順以此心平怨者怨必釋惟小人不能宅心之若

是也雖以勢力強之而有不獲成者矣夫以齊魯大國平邾莒小邦宜其降心聽命不待文告之及也然而莒人不肯則以宣公心有所私係失平怨之本耳故書取以著其罪及所欲也平者成也取者盜也不肯者心弗允從莫能強之者也以利心圖成雖強大不能行之於弱小春秋書此戒後世之不知治其本者故行有不得者反求諸已斯可已矣

秦伯稻卒音註桓公卒立

夏六月乙酉鄭公子歸生弒其君夷音註靈公弒弟

襄公
堅立

首謀弒逆者公子宋也懼譖而從之者歸生也而以歸生為首惡何也夫亂臣賊子欲動其惡而不從者未有能全其身而不死也故季子然問仲由冉求其從之者歟子曰弒父

與君亦不從也是以死節許二子矣歸生懼
潛而從公子宋特無求路不可奪之死節耳
書為首惡不亦過乎曰歸生與宋並為大夫
乃貴戚之卿同執國政可以不以不從
大師與宋戰獲其元帥已得兵權可以
二也聞宋逆謀登時而覺先事誅之猶反手
耳夫據殺生之柄仗大義以制人使人聽已
猶犬羊之伏於虎也何畏於人懼其見殺而
從之也哉計不出此顧以畜老憚殺比方君
父歸生之心悖矣故春秋捨公子宋而以弑
君之罪歸之為後世鑒若司馬亮沈慶之等
苟知此義則能討罪人不至於失身為賊所
制矣

赤狄侵齊

秋公如齊公至自齊

君行告至常事不書宣公比年如齊而皆致
者危之也夫以篡弑謀於齊而取國以土地
賂齊而請會以卑屈事齊而求安上不知有
天王卜不知有方伯惟利交是奉而可保乎
高固之事亦殆矣故比年如齊而皆致以戒
後世之欲利有攸往者惟義之與比為可安
耳

音註
夫比去声
平声

冬楚子伐鄭

丁定王五年晉成三齊惠五衛成三十一蔡文
巳三年八鄭襄公堅元年曹文十四陳靈

十杞桓三十三年宋文七
秦桓公榮元年楚莊十

春公如齊

夏公至自齊

秋九月齊高固來逆子叔姬

音註

高固齊大夫

按左氏公如齊高固使齊侯止公請叔姬焉
書夏公至自齊秋齊高固來逆子叔姬罪宣
公也其曰來者以公自為之主稱子者或謂
別於先公之女也諸侯嫁女於大夫主大夫
以與之者為體敵也而公自為之主壓尊毀
列卑朝廷慢宗廟矣夫以鄭國徧小楚公子
圍之貴高強大來娶於鄭子產辭而卻之使
館于外欲野賜之幾不得撫有其室而宣公
以魯國周公之後逼於高固請婚其女強委
禽焉而不能止惟不知以禮為守身之幹是
以得此辱也春秋詳書為後世鑒欲人之必
謹於禮以定其位不然卑遜妄說不近於禮
奚足遠**音註**幾不得撫有其室事
耻辱哉

叔孫得臣卒

音註

見左傳昭公元年

內大夫卒無有不日者以春秋魯史也其或
不日則見恩數之畧耳仲遂如齊謀弑子赤
叔孫得臣與之偕行在宣公固有援立之私
其恩數豈畧而不書曰是聖人制之也君臣
父子妃妾造庶人道之大倫也方仲遂以殺
嫡立庶往謀於齊而與得臣並使也若憐然
不知其謀或知之而不能救則將焉用彼相
矣春秋治子赤之事專在仲遂以其內交宮
禁外結強鄰大惡無所分也而叔孫得臣有
同使于齊之罪故特不書曰以表之若曰大
夫而不能為有無者**音註**見音
不足加以恩數云爾

冬齊高固及子叔姬來

音註

見音

左氏曰反馬也禮嫁女留其送馬不敢自安
及廟見成婦遣使反馬則高固親來非禮也
又禮女子有行遠父母者歲一歸寧今見逆
逾時未易歲也而叔姬亟來亦非禮也故書

及書來以著齊罪也大夫適他國必有君命與公事否則禮法之所禁而可犯乎惠公許其臣越禮恣行而莫遏高固委其君瑜境自如而不忌則人欲已肆矣凡婚姻常事不書而書此者則以為非常為後世戒也

楚人伐鄭

戊午四年六年晉成四齊惠六衛成三十二蔡文九鄭襄二曹文十五陳靈十一杞桓二十四宋文八

秦桓二楚莊十一

春晉趙盾衛孫免侵陳

按傳稱陳及楚平荀林父伐陳經皆不書若以下書晉衛加兵于陳即陳及楚平可知矣以趙盾孫免書侵即林父無詞可稱亦可知矣愛人不親反其仁治人不治反其智晉嘗

夏四月 秋八月螽 孫良夫來盟

命上將帥師救陳又再與之連兵伐鄭今而即楚無乃於已有闕盍亦自反可也不內者德遽以兵加之則非義矣故林父不書伐而省免書侵以正晉人所以主盟非其道也

音註

傳謂螽為殺災虐取於民之效也先是公伐莒取向後再如齊伐乘軍旅數起賦歛既繁戾氣應之矣夫善惡之感萌於心而災祥之應見於事宣公不知舍惡遷善以補前行之愆而用兵不息災異數見年穀不豐國用空乏卒至於改助法而稅民蓋自此始矣經於

人感應之理不可誣當慎其所感也

冬十月

齊侯使孫良夫來盟
齊侯使孫良夫來盟。孫良夫，齊侯之孫也。來盟，齊侯欲與魯通也。魯侯任其無咎，故遣良夫來為此盟。而公卒見所責義自見矣。

齊侯使孫良夫來盟

齊侯使孫良夫來盟

齊侯使孫良夫來盟

齊侯使孫良夫來盟
齊侯使孫良夫來盟。孫良夫，齊侯之孫也。來盟，齊侯欲與魯通也。魯侯任其無咎，故遣良夫來為此盟。而公卒見所責義自見矣。

春秋左傳卷之十七

宣公中

己定王七年晉成五齊惠七衛成三十三蔡文

桓三十五宋文九

秦桓三楚莊十二

春衛侯使孫良夫來盟
來盟為前定者嘗有約言矣未足効信而釋疑又相軟血固結之爾是盟衛欲為晉致魯而魯專事齊初未與晉通也必有疑焉而衛侯任其無咎故遣良夫來為此盟而公卒見所責義自見矣

夏公會齊侯伐萊音註

萊東方小國

秋公至自伐萊大旱

及者內為志會者外為主平莒及鄭公所欲也故書及繼以取向即所欲者可知矣伐萊齊志也故書會繼以伐致即師行之危亦可知矣公與齊侯俱不務德合黨連兵恃強凌弱是以為此舉也軍旅之後必有凶年言民以征後怨咨之氣感動天變而旱乾作矣其以大旱書者或不雩或雖雩而不雨也不雩則無恤民愛國之心雩而不雨格天之精意矣

冬公會晉侯宋公

衛侯鄭伯曹伯于

黑壤音註

黑壤晉地一名黃父

會而不得見不以不得見為諱盟而不與盟不以不與盟為諱則曲不在公而主會盟者

之罪耳與於會不與於盟而公不歎焉非也
會盟者之過也則書會不書盟若黑壤是也
晉侯自立公既不朝又不使大夫聘而每歲
造齊是宣公行有不憚於心而非晉人之咎
矣凡不直者臣為君隱子為父隱於以養臣
子愛敬之心而不事盟主又以賂免則不直
在已
音註 與音預並 同朝音潮
庚定王八年 晉成六 齊惠八 衛成三十四 蔡文
申六年 十一 鄭襄四 曹文十七 陳靈十三
杞桓三十六 宋文十
秦桓四 楚莊十三
春公至自會

夏六月公子遂如齊至黃乃復音註

黃齊地

至黃乃復墮君命也有疾亦不復可乎大夫以君命出聞喪徐行而不返未致事而死以

尸將事楚伐吳陳侯使公孫貞子往弔及良而卒將以尸入吳人辟焉上介芋尹蓋曰寡君使蓋備使弔君之下吏無祿使人逢天之感大命隕墜絕世于良廢日供積一日遷次今君命逆使人曰無以尸造于門是我寡君之命委于草莽也無乃不可乎吳人不敢辭君子以為知禮乃者無其音註使去聲上之詞其曰復事未畢也

辛巳有事于太廟仲遂卒于垂音註

垂齊地

有事言時祭此公子遂也曷為書字生而賜氏俾世其官也曷為書卒以事之變卒之也古者諸侯立家大夫卒而賜氏其後尊禮權臣寵遇貴戚而不由其道於是乎有生而賜氏其在魯則季友仲遂是也襄仲殺惡又視援立宣公而宣公深德之故生而賜氏使世大夫以答之也經於其卒書族以志變法之端為後世戒

季猶繹而入去籥音註

去起呂反籥羊畧反

繹者祭之明日以賓尸也猶者可已之詞萬舞也以其無聲也故入而遂用籥管也以其有聲也故去而不作是謂故知不可存其邪心而不能格也禮大夫卒當祭則不告終事而聞則不繹不告者盡肅敬之誠於宗廟不繹者全始終之恩於臣子今仲遂國卿也卒而猶繹則失寵遇大臣之禮也春秋雖隆君抑臣而禮貌有加焉則廉階益尊而臣節礪後世法家專欲隆君而不得其道至以犬馬國相視大倫滅矣聖人書法如此存君臣之義也

戊子夫人嬴氏薨音註

嬴氏宣公母也

敬嬴文姜妾也何以稱夫人自成風聞季友之繇事友而屬其子及禧公得國立以為也

人於是乎嬉妄乱矣春秋於風氏月始卒四
貶之則禘于太廟秦人歸榘榮叔含賜召伯
會葬去其姓氏不稱夫人王再書而無天是
也敬贏又嬖私事襄仲而屬宣公不待致于
太廟援例以立則從同同而無貶矣其意若
曰以義起禮為可繼苟出於私情而非義後
雖欲正音註救反直

晉師白狄伐秦音註

見經白狄始

晉主夏盟糾合諸侯攘夷狄安諸夏乃其職
矣秦人之怨起自侵崇其曲在晉責已可也
既不知自反釋怨備睦以補前過已可咎矣
乃復興師動衆會戎狄以伐之獨不惡傷其
類乎直書下策貶自見矣

楚人滅舒蓼音註

舒蓼二國地名譜上義陽之
蓼先於滅於楚此即如舒蓼

附庸益群舒別種非二國也

按詩稱戎狄是膺荆舒是懲在周公所懲者
其自相攻滅中國何與焉然春秋書而不削
者是時楚人疆舒蓼及滑納盟吳越勢益強
大將為中國憂而民有被髮左衽之患矣經
斯世者當以為懼有攘卻之謀而不可忽則
聖人之意也

秋七月甲子日有食之既

冬十月己丑葬我小君敬嬴音註

敬嬴敬諱
嬴姓也

成風薨以夫人葬以小君將附于廟而始有
二夫人也貶四則之以正其事今敬嬴亦薨
以夫人葬以小君使祔于廟無貶以止之從
同同可也而於宣公元年即以所逆穉姜婦
之何也曰婦有始之詞見敬嬴遂以子貴援
例而亟立為夫人也僖公享國八年然後致

成風而敬羸之巫也雖云援例魯君臣之責亦可知矣無貶而書法若此者猶桓宣弒君而書即音註附音

兩不克葬庚寅日中而克葬

敬羸以其子宣公屬諸襄仲殺太子及其母弟雖假手於仲實敬羸之謀也經書子赤卒夫人姜氏歸于齊其文無貶而讀者有傷切之意焉則以秉彜不可滅也傳謂哭而過市市人皆哭敬羸逆天理拂人心之狀慘矣其於終事兩不克葬若咎徵焉而謂無天道乎此皆直書以見人心與天理之不可誣者也夫喪事即遠有進無退浴于中雷飯于牖下小斂于戶內大斂于阼階殯于客位遷于廟祖于庭壙于墓以弔賓則其退有節以虞事則其祭有時不為兩止禮也兩不克葬喪不以制也或曰卜葬先遠日所以避不懷也諸

侯相朝與旅見天子入門而雨霑服失容則廢矧送終大事人情所不忍遽者反可冒雨不待成禮而葬乎潦車載簞笠士喪禮也有國家者乃不能為兩備何也且公庭之於墓次其禮意固不同矣不得不可以為悅無財不可以為悅得之為有財古之人皆用焉而不能為之備是儉其親也不亦薄乎故穀梁子曰兩不克葬喪不以制也厚葬古人之所戒而墨之治喪也以薄又君子之音註附音所不與故喪事以制春秋之旨也音註附音壙通鄧反下棺也

城平陽音註

今泰山有平陽縣

楚師伐陳

辛定王九年音註 晉成七年卒音註 齊惠公九年音註 衛成三十五年音註 鄭襄五年音註 曹文十八音註 陳

靈十四(杞桓三十七)(宋文
十一(秦桓五(楚莊十四

春王正月公如齊公至自齊

夏仲孫蔑如京師

以淺言之屬辭比事春秋教也當歲首月公朝于齊夏使大夫聘于京師此皆比事可攷不待貶絕而惡自見者也宣公享國九年於周終一往聘其在齊則又再朝矣經於齊每行必致深罪之也下逮戰國周衰甚矣齊威王往朝于周而天下皆賢之况春秋時乎而宣公不能也故聘覲之禮廢則君臣之位失諸侯之行惡而倍畔侵凌之敗起矣此經書君如齊臣如周之意而特書王正月以表之也

齊侯伐萊音註

萊從齊之小國

秋取狼牟音註

東夷國也取言公不言公其下命也自宣而下征伐在大夫矣

八月滕子卒音註

盟公卒文公立

九月晉侯宋公

衛侯成

鄭伯襄

曹伯文

會于

扈晉荀林父帥師伐陳音註

扈鄭地

按左氏討不睦也陳侯不會荀林父以諸侯之師伐陳晉侯卒乃還則知經所書者與晉罪陳之詞也會于扈以待陳而陳侯不會然後林父以諸侯之師伐之也則幾於自反而有禮矣不書諸侯之師而曰林父帥師者在會諸侯皆以師聽命而林父兼將之也則其衆輯矣晉主身盟又嘗救陳所宜與也而惟楚之即夫豈義乎

辛酉晉侯黑臀卒于扈音註

成公卒子景公孺立

冬十月癸酉衛侯鄭卒

音註 成公卒子

晉成公何以不葬魯不葬也衛成事晉甚謹而魯宣公獨葬亦魯不葬也深向齊衛欲為晉致魯故謀黑壤之會而特使孫良夫來盟以定之也及會于黑壤而晉人止公賂然後免是以扈之會皆前日諸侯而魯獨不曰二國繼以喪赴亦皆不會此所謂無其事而闕其文者也或曰二君皆有貶為故不書葬誤矣魯人不會亦無貶乎書卒而以私怨廢禮忘親其罪已見春秋文簡而直視人若日月之無私照也曲生意義失之遠矣

音註

為去声 見音規

宋人圍滕

圍國非將甲師少所能辨也必動大衆而使大夫為主帥明矣然而稱人是貶之也滕既

楚子伐鄭晉卻缺帥師救鄭

小國兵革以圍之比事以觀知見取之罪在不矣

音註

將去声 比音皮

楚兵加鄭數矣或稱人或稱爵何也鄭自晉成公初立舍楚而從中國正也楚人為是與師而加鄭不義矣故宣公三年書人書侵罪之也次年鄭公子歸生弑其君諸侯未有聲罪致討者而楚師至焉故特書爵與之也然與師動衆賊則不討惟服鄭之為事則非義舉矣故又次年傳稱楚子伐鄭而經書人再貶之也至是稱爵豈與之手按公羊例君將不言帥師書其重者也至此書爵見其凌暴中華以重兵臨鄭矣何以知其非與之手曰下書晉卻缺帥師救鄭則知其非與之也由此觀春秋書法皆欲治亂賊之黨謹華夷之

辨以一字為褒
貶深切著明矣

陳殺其大夫洩冶

音註
洩音泄

稱國以殺者君與用事大臣同殺之也稱其大夫則不失官守而殺之者有專擅之罪矣洩治無罪而書名何也治以諫殺身者也殺諫臣者必有亡國弑君之禍故書其名為徵舒弑君楚子滅陳之端也以垂後戒此所謂義係於名而書其名者也此干諫而死子曰商有三仁焉洩治諫而死何獨無褒詞夫語默死生當其可而止爾洩治之盡言無隱不愧乎史魚之直矣方諸比干自靖自獻于先王則未可同日而語也治雖效忠其猶在宋子哀魯叔貯之後乎故仕於昏亂之朝若異姓者如子哀潔身而去可也其貴戚耶不食其祿如叔貯善矣

音註
當夫

宣公十年 晉景公 孺元年 齊惠十卒 衛

陳靈十五 弑杞桓三十八 鄭襄六 曹

春公如齊公至自齊

此亦如齊亦致其至而不書月上九年亦如齊亦致其至而書月者為是年夏使仲孫蔑如京師故特於歲首書王正月以著宣公之罪而君臣名分之際謹嚴如此也歸田以為私惠比於君臣名分之際則大小不泮矣

齊人歸我濟西田

宣公於齊順其所欲既以女妻其臣又兵會伐萊之舉又每歲往朝于齊廷雖諸侯事天子無是禮也故惠公悅其能順事已而以所取濟西田歸之也歸謹及闡直書曰歸此

獨書我者乃相親愛惠遺之意深著齊人助成逆弑之罪也或謂濟西魯之本封故書我則誤矣以柔異卑屈事人不以其道而得地與悅人之柔異卑屈事已不以其道而歸其地皆人欲之私而非義矣

夏四月丙辰日有食之

已巳齊侯元卒音註

惠公卒子頃公立

齊崔氏出奔衛音註

崔氏謂齊大夫崔杼

按左氏崔杼有寵於惠公高固畏其逼也公卒而逐之奔衛書曰崔氏以族奔也許翰以謂崔杼出而能反反而能弑者以其宗強於此舉氏辨之早也其說得矣所謂譏世卿者非公羊本旨蓋門弟子因尹氏武氏稱世卿而附益之於此爾經有事同而詞異亦有事

異而詞同一視之則泥而不通矣

音註 泥去聲

公如齊音註

魯朝於齊止此

五月公至自齊

文約而事詳者經也春如齊朝惠公夏如齊奔其喪若是雖不致可也而皆致者甚之也天王之喪不奔欲行郊禮而汲汲於奔齊惠公之喪天王之葬不會使微者往而公孫歸父會齊惠公之葬其不顧君臣上下尊卑之等所謂肆人欲滅天理而無忌憚者也詞繁而不殺聖人之情見矣

癸巳陳夏徵舒弑其君平國音註

靈公弑子成公午立

陳靈公之無道也而稱大夫之名氏以弑何也禍莫大於拒諫而殺直臣忠莫顯於身見

殺而其言驗洩治所為不忌斧鉞盡言於其
君者正謂靈公君臣通於夏徵舒之家恐其
及禍不忍坐觀故昧死言之靈公不能納又
從而殺之卒以見弑而亡其國此萬世之大
戒也特書徵舒之名氏以見洩治忠言之驗
靈公見弑之由使有國者必以遠色備身包
容枉直開納諫諍為心也以為罪不
及民故稱大夫以弑者非經意矣

六月宋師伐滕

前圍滕稱人刺也此伐滕稱師說用衆
也宋大國魯上公霸主之餘業力非不足也
今鄰有弑逆不能聲罪致討乃用大衆以伐
所當矜恤之小邦且滕不事已無乃已德猶
有所闕而滕何尤焉故特稱師以著其
罪而汲汲於誅亂臣討賊子之意見矣

公孫歸父如齊葬齊惠公

歸父仲遂之子貴而有寵宣公深德齊侯之
能定其位而又以濟西四歸之也故生則傾
身以事之而不辭於辱沒則親往奔喪而
使貴卿會其葬亦不顧天王之禮闕然莫之
供也此事考
辭義自見矣

晉宋人衛人曹人伐鄭

按左氏鄭及楚平諸侯伐鄭取成而還其稱
人貶也鄭居六國之間從於疆今豈其罪乎
不能以德鎮撫而用力爭之是謂五十步笑
百步庸何愈於楚自是責楚益輕罪在晉矣

秋天王使王季子來聘音註

公羊傳曰王季子者王之母弟也王有時聘
以結諸侯之好禮也宣公享國至是十年不
朝于周而比年朝周不奔王喪而奔齊侯喪
不遣貴卿會匡王葬而使歸父會齊侯之葬

縱未舉法勿聘焉猶可也而使王季子來

公孫歸父帥師伐邾取繹音註而征伐在大

夫故自取繹凡取皆不書其人自伐杞凡伐皆不書公

用貴卿為主將舉大衆出征伐不施於亂臣

賊子奉天討罪而凌弱侵小近在邦域之中

附庸之國是為盜也當此時陳有弑君之亂

既來赴告藏存諸侯之策矣曾不是圖而有

事於邾不亦慎乎故四國伐鄭而音註去

季孫行父如齊

冬公孫歸父如齊音註

按左氏行父如齊初聘也歸父如齊邾故也

齊侯嗣立宣公視往奔其父喪又使貴卿會

葬矣若待逾年然後備聘未晚也而季孫亟

行歸父繼往則以宣公呂臣不知為國以禮

而謂妾說取人可免於討也歸父貪於取

繹畏齊而往蓋理曲則氣必餒矣能無畏乎

哉春秋備書而不削以魯其罪為後世鑒也

齊侯頃使國佐來聘音註國佐即國武子○齊

齊侯

頃使國佐來聘音註

國佐即國武子○齊

葬之速也大不懷也又未逾年而以君命遣

使聘於鄰國則哀戚之情忘矣孟子曰養生

不足當大事惟送死可以當大事滕文公

五月居廬未有命戒及至葬顏色之戚哭泣

齊侯

十一

喪師失地幾見執獲豈特婦人
笑客之罪哉已失守身之本矣

饑

楚子伐鄭

經有詞同而意異者比事以觀斯得之矣九
年楚子伐鄭稱爵者貶詞也若曰國君自將
恃強壓弱憑陵中夏之稱也知然者以下書
晉卻缺帥師救鄭則貶楚可知矣此年楚子
伐鄭稱爵者直辭也若曰以實屬辭書其重
者而意不以楚為罪也知然者以傳書晉士
會救鄭逐楚師于穎北而經削之則
責晉可知矣此義魚以傳為案者也
癸亥定王十有一年晉景二齊頃公無野元年衛
二十陳成公午元年杞桓三十
九宋文十三秦桓七楚莊十六

春王正月

夏楚子莊陳侯成鄭伯襄盟于辰陵音註
辰陵陳地

○序楚子於陳侯鄭伯
之上初予楚莊以伯也

晉楚爭此二國為日久矣今陳鄭皆晉從楚

盟于辰陵而春秋書之無貶詞者豈與其下

喬木入幽谷乎中國不能令則夷狄進矣經

之大法在誅亂臣討賊子有亂臣則無君有

賊子則無父無父無君則中國變為夷狄人

類殄為禽獸雖得天下不能一朝居也今魯
與齊方用兵伐晉與狄方會于橫函而不
謀少西氏之逆也而楚人能謀之所謂禮失
而求之野夷狄之有君不如諸夏之亡也辰
陵之盟所以得書於經而詞無貶乎聖人討
賊之意可謂音註皆音
深切著明矣

公孫歸父會齊人伐莒

秋晉侯會狄于欒函音註

欒函狄地橫才端反函音咸○楚方倡義

於天下而晉孜孜行群

春秋正法不與夷狄會同分類也書會戎會

狄會吳皆外詞也內中國故詳外夷狄故畧

今中國有亂天王不能討則方伯之責也又

不能討則四鄰諸侯宜有請矣而魯方會齊

伐莒晉方求成于狄是失有背而養其一指

不能三年而總小功之察不亦慎乎凡此直

書其事不待貶絕

而義自見者也

冬十月楚人殺陳夏徵舒音註

不言楚子而稱人討賊之辭也

以是為國

丁亥楚子入陳音註

楚入國書莊始此○先書殺後書入予楚以討賊之

義也不以利

稱人者衆詞也大惡人人之所同惡人人之

所得討其稱楚人殺徵舒諸夏之罪自見矣

按左氏傳楚子為夏氏亂故謂陳人無動將

討於少西氏遂入陳殺徵舒轅諸栗門而經

先書殺後書入者與楚子之能討賊故先之

也討其賊為義取其國為貪舜眈之相去遠

矣其分乃在於善與利耳楚莊以義討賊勇

於為善舜之徒也以貪取國急於為利眈之

徒矣為善為惡特在一念頃史之問而書法

如此故春秋傳心之要典不可不察者也

或曰聖人大改過楚雖縣陳能聽申叔特之

說而復封陳可謂能改過矣猶書入陳以貶

之何也曰楚莊意在滅陳雖復封之然卿取

一人焉以歸謂之夏州而又納其亂臣是制

人之上使不得其君臣之道也晉人以畧
如鄭問駟乞之立故子產對曰若寡君之二
三臣而晉大夫專制其位是晉之縣鄙也何
國之為辭客幣而報其使晉人舍之他國非
所當與也而必欲納其亂臣存亡與滅其若
是乎仲尼重傷中國深美其有討賊之功故
特從末減不稱取陳而

音註

使晉人舍之報其事

納公孫寧儀行父于陳

此二臣者從君於昏宣淫於朝誅殺諫臣使
其君見欲蓋致亂之臣也肆諸市朝與眾同
棄然後快於人心今乃詭辭奔楚託於討賊
復讐以自脫其罪而楚莊不能察其反覆又
使陳人用之是猶人有飲毒而死者幸而復
生不疆以毒飲之可乎故聖人外此二人於

陳而特書曰納納者不受而強納之者也
楚莊者宜奈何滿徵舒之宮封洩冶之墓尸
孔宰儀行父于朝謀于陳

音註

諸音

春楚陳靈公

討賊者非臣子也何以書葬天下之惡一也
本國臣子或不能討而上有天王下有方伯

春秋胡傳卷之二十七終

特從未滅不稱取陳而
書入雖曰與之可矣
見左傳招
公十九年

納公孫寧儀行父于陳

此二臣者徒君於昏宣淫於朝誅殺諫臣使
其君見武蓋致亂之臣也肆諸市朝與衆同
衆或其所去其與幾平
以寧類行父于陳
楚師伐宜奈何
刺所排書曰
刺所排書曰

春秋胡傳卷之十八

宣公下

甲定王十年十有二年
晉景三齊頃二衛穆三蔡文
鄭襄八曹文二十一陳

成二杞桓四十一宋文十
四秦桓八楚莊十七

春葬陳靈公

討賊者非臣子也何以書葬天下之惡一也
本國臣子或不能討而上有天王下有方伯
又其次有四鄰有同盟有方域之諸侯有四
夷之君長與凡民皆得而討之所以明大倫
存天理也微舒雖楚討之陳之臣子
亦可以釋怨矣故得書葬君子詞也

楚子圍鄭

按公羊傳例戰不言伐圍不言戰入不言圍
滅不言入書其重者楚子縣陳蓋滅之矣而
經止書入其於鄭也入自皇門至自逵道蓋
即其國都矣而經止書圍昌為悉從輕典不
著其憑陵諸夏之罪乎上無天王下無方伯
天下諸侯有臣弑君子弑父諸夏不能討而
夷狄能討之春秋取大節畧小過雖如楚子
憑陵上國近造王都之側猶從末滅於以見
誅亂臣討賊子正王都之側猶從末滅於以見
大倫之為重也

夏六月乙卯晉荀林父帥師及楚子戰于邲晉

師敗績音註

邲鄭地

戰而言及主乎是戰者也按左氏晉師救鄭
經既不以救鄭書矣又不言楚晉戰于邲而
使晉主之何也陳人弑君晉不討賊而楚能
討之楚人圍鄭亦既退師與鄭平矣而又與

之戰則非觀釁之師也故釋楚不貶而使晉
主之獨與常詞異乎按邲之役六卿並在
夫司馬皆具官不欲勤民者三帥也違命濟
師者先穀也而獨罪林父何也尊無二上定
于一也古者仗鉞臨戎專制閫外雖君令有
所不受况其屬乎栾書救鄭軍師之欲戰者
八人武子遂還衆不敢遏偏陽之舉句偃二
將皆請班師荀彘令曰七日不克必爾手取
之遂下偏陽林父既知無及於鄭焉用之矣
諸帥又皆信然其策先穀若獨以中軍佐濟
者下令三軍無得妄動按軍法而行辟夫豈
不可既不能令乃畏失屬亡師之罪而從韓
獻子分惡之言知難而冒進是棄晉師於誰
責乎故後誅先穀不去其官此稱敗績特以
林父主

音註

栾書救鄭軍師之欲戰者八人

成公六年偏陽之舉句偃二將皆請班師荀
彘令曰七日不克必爾手取之遂下偏陽事

見左傳襄
公元年

秋七月

冬十有二月戊寅楚子滅蕭音註

蕭宋附庸國

假於討賊而滅陳春秋以討賊之義重也末
滅而書入惡其貳已而入鄭春秋以退師之
情怒也末滅而書圍與人為善之德宏矣至
是肆其強暴滅無罪之國其志已盈雖欲赦
之不得也故傳稱蕭潰經以滅書斷其罪也
孟子曰以力假仁者伯伯必有大有大國楚莊
以力假仁不能久假而遽歸者也建萬國親
諸侯者先王之政與滅國繼絕世者仲尼之
法今乃滅人社稷而絕其祀亦不仁甚矣蕭
既滅亡必無赴者何以得書于魯史楚莊縣
陳入鄭大敗晉師于邲莫與校者不知以禮
制心至於驕溢克伐怨欲皆得行焉遂以滅

蕭告赴諸侯矜其威力以恐中國耳孟子定
其功罪以五伯為三王之罪人春秋史外傳
心之要典推此類求之斯得矣

晉人宋人衛人曹人同盟于清丘音註

清丘衛地○書

人同盟猶曰人自為盟也書法
如惡曹鹿上中國又無伯也

書同盟志同欵也或以惡其反覆而書同盟
非也春秋不貴盟誓自隱公始年書儀父盟
蔑宋入盟宿已不實言矣奚待清丘然後惡
反覆乎清丘載書恤病討貳口血未乾敗其
盟好所謂不待貳而惡見者也又奚必人諸
國之卿然後知反覆之可罪乎楚既入陳圍
鄭大敗晉師伐蕭滅之憑陵中國甚矣為諸
侯計者宜信任仁賢脩明政事自強於為善
則可以保其國耳曾不是圖而刑牲歃血要
質鬼神漸以禦楚謀之不臧孰大於是故國

卿貶而稱人譏失職也原穀違命喪師乃晉國罪人而主茲盟約所信任者皆可矣

音註
斬音

宋師伐陳衛人救陳

陳有滅君之亂宋不能討而楚能討之雖曰縣陳尋復封之其德於楚而不貳未足責也宋人不能內自省德遽以大衆伐之非義舉矣衛人救陳皆盟失信而以救書者見宋師非義陳未有罪而受兵為可恤也且謀國失圖妄興師旅無休息之期則亂益滋矣其以救書意在責宋也若衛叛盟則不待貶絕而惡自見矣

丑一年十有三年晉景四齊頃三衛穆四秦文十六鄭襄九曹文二十

二陳成三杞桓四十一宋文十五秦桓九楚莊十八

春齊師伐魯

夏楚子伐宋

楚人滅蕭將以脅宋諸侯懼而同盟為宋人計者恤民固本輕徭薄賦使民效死親其上則可以待敵矣計不出此而急於伐陳攻楚與國非策也故楚人有詞于伐而得書爵

秋螽

冬晉殺其大夫先穀

音註
書名以罪討

先穀違命大敗晉師元帥不能用鉞已失刑矣今又重有罪焉晉人治其罪而戮之義也曷為稱國以殺而不去其官夫兵若安危所係有國之大事也將非其人則敗雖得其人使親信間之則敗以剛愎不仁者恭焉而莫肯用命則敗凡此三敗君之過也河曲之戰

趙穿獨出而史駢之謀不用濟涇而次栾黶
欲東而荀偃之令不行今林父初將中軍乃
以先穀佐之使敵國謀臣知所從政者新未
能行令誰之過歟故稱國以殺不去其官罪
累上

音註

河曲之戰趙穿獨出而史駢之謀
不用事見左傳文公十二年濟涇

也而次栾黶欲東而荀偃之令不行
事見左傳襄公十四年(晉)景五(齊)頃四(衛)穆五(蔡)

丙寅定王十有四年(晉)景五(齊)頃四(衛)穆五(蔡)

三卒(陳)成五(杞)桓四十二(宋)

春衛殺其大夫孔達

殺大夫而書其名氏義不繫於專殺也孔達
棄信以危社稷衛人按其罪而誅之可也何
以稱國而不去其官用人謀國干犯盟主至
於見討誰之過歟稱國以殺不去其官罪累

上也春秋端本清源故書法如此

夏五月壬申曹伯壽卒 **音註** 文公卒子宣公廬立

晉侯伐鄭

按左氏傳為邲故也比事以覲知其為報怨
復讐之兵詞無所貶者直書其事而義自見
矣

音註

見音現

秋九月楚子圍宋

宋人要結盟誓欲以禦楚已非持國之道輕
舉大眾勦民妄動又非恤患之兵特書救陳
以著其罪明見伐之由也國必自伐然後人
伐之凡事其作始也簡其將畢也必巨易於
訟訟而君子以作事謀始始而不謀必至於
訟訟而不竟必至於師若宋是笑始謀不臧

至於見伐見圍幾亡其國則自取之也春秋
端本故責宋為深若蠻夷圍中國則亦明矣

葬曹文公

冬公孫歸父會齊侯于穀

夫禮別嫌明微制治於未亂自天子出者也
列國之君非王事而自相聚會是禮自諸侯
出矣以國君而降班失列下與外臣會以外
臣而抗尊出位上與諸侯會是禮自大夫出
矣君若贅旒陪臣執命豈一朝一夕之故其
所由來漸矣故易於坤之初六曰馴致其道
至堅冰也易言其理春秋見諸行
事若合符節可謂深切著明矣

丁卯三年十有五年
晉景六齊頃五衛穆六蔡

廬元年陳成五杞桓四十三宋
秦桓十一楚莊二十

春公孫歸父會楚子

莊于宋

音註

晉大夫始特會楚

楚子不假道於宋以啟釁端而圍之陵蔑中
華甚矣諸侯縱不能畏簡書攘夷狄存先代
之後嚴兵固圉以為聲援猶之可也乃以周
公之裔千乘之國謀其不免至於薦賄不亦
鄙乎若此類聖人不徒筆之於經也此事以
觀則知中國夷狄盛衰之由春秋經世之畧
矣

音註

此去

夏五月宋人

及楚人

平音註

凡平不書必

而後書文九年陳平不書宣十年鄭平不書僖
二十四年宋嘗及楚平矣不書必莊王得宋天
下將有南北
之勢始書之
此華元子反二國之卿其稱人何貶也春秋
賤欺詐惡侵伐二卿不愛其情釋怨解紛使

宋無亡國之憂楚無滅國之罪功亦大矣宜
在所褒何以貶也善則稱君過則歸已則民
作忠今二卿自以情實私相告語取必於上
以成平國之功而其君不預知焉非人臣之
義也世衰道微暴行交作君有聽於臣父有
聽於子夫有聽於婦中國有聽於夷狄仲尼
所為懼春秋所以作也故平以解紛雖其所
欲而平者在下則大倫紊矣聖人明其道不
計其功故褒貶如此然則臣而有安國家利
社稷者專之不可乎曰專之而可者謂境外
也子反在君之側無奏報之難幾會之失奚
急於平而專之若是哉或曰子反攘善則知
其罪矣華元救國急難而紓其情實何尤焉
夫宋先代之後武王所封以備三恪橫見侵
偏非有可滅之罪也若以大義責之曰子為
上卿不能恤小助桀為虐陵我郊保圍我城
郭欲滅我社稷縱子得之何面目見中華之
士乎使子反果忠楚莊果賢必為義動退師

止衆結盟而反矣何必輕見情實蹈不測之
險乎後世羊陸效其所為交歡邊境而議者
以為非純臣也
知春秋之法矣

六月癸卯晉師滅赤狄潞氏以潞子嬰兒歸

音註 潞赤狄之別號潞氏

其稱曰謹之也上卿為主將畧而稱師者著
其暴也滅而舉號及氏者滅見滅之罪著滅
者之甚不仁也潞嬰兒不死社稷比於中國
而書爵者免嬰兒之責辭也然則攘夷狄安
中國非耶徐夷並興東郊不開伯禽征之儼
狄孔熾侵鎬及方宣王伐之楚人侵鄭近在
王畿齊侯攘之皆門庭之寇不可縱而莫禦
者也雖禦之亦不極其兵力殄滅之無遺育
也今赤狄未嘗侵掠晉境非門庭之寇而恃
強暴以滅之其不仁甚矣春秋所以責晉而

秦人伐晉

王札子殺召伯毛伯

音註

零狄也又有異焉者夫伐國之要討其罪人
 斯止矣按左氏潞子夫人晉景公之姊也
 舒為政而殺之又傷潞子之目則鄆舒者罪
 之在也為晉計者執鄆舒轅之市立黎侯安
 定潞子改紀其政而返則諸狄服疆域安矣
 今乃利狄之土滅潞氏以其君歸何義乎春
 秋所以責晉
 音註 徐夷並與東郊不開伯禽
 而略狄也 音註 征之見書費誓獫狁孔熾
 侵鎬及方宣王伐之見詩小
 雅六月鎬合老反 音患
 秦人桓 伐晉
 王臣有書字而言子者王季子是也有書子
 而繫名者王子虎是也此稱王札子者殺梁
 以為當上之詞也其為當上之詞者矯王命
 以殺之也為天下主者天也繼天者君也君

秋螽

之所同者命也為人臣而侵其君之命則不
 臣為人君而假其臣以命則不君君不君臣
 不臣天下所以傾也刑侯專殺雍子於朝叔
 向以殺人不忌為賊請施刑侯君子以義
 王札子之罪當服此刑而天王不能施
 之無政刑矣何以保其國而不替乎
 刑侯專殺雍子於朝叔向以殺人不忌為賊
 請施刑侯君子以為義事見左傳昭公十四
 年朝 音朝

音註

人事感於此則物變應於彼宣公為國虛內
 以事外去實而務華煩於朝會聘問賂遺之
 未而不知務其本者也故戾氣應之六年螽
 七年旱十年大水十有三年又螽十有五年
 復螽府庫匱倉廩竭調度不
 給而言利剋民之事起矣

仲孫蔑會齊高固于無婁音註

無婁 杞邑

禮之始失也諸侯非王事而自相會也無以正之不自天子出矣然後諸侯與大夫會又無以正之然後大夫與大夫會禮亦不自諸侯出矣田氏篡齊六卿分晉三家專魯理固然也不能辨於早後
音註 諸侯與大夫會詳見文公八年與大夫會詳見文公八年盟衡雍註

初稅畝

孟子曰耕者助而不稅則天下之農皆悅而願耕於其野矣書初稅畝者譏宣公廢助法而用稅也放制公田為助者藉也周因其法為徹徹者通也其實皆什一也古者上下相親上之於下則曰駿發爾私終三十里惟恐民食之不給也下之於上則曰雨我公田

冬錄生音註

錄音綠 又音院

遂及我私惟恐公田之不善也故助法行之頌聲作矣世衰道微上下交惡民惟私家之利而不竭力以奉公上惟邦賦之入而不慚恒所以利下水旱凶災相繼而起公田之入薄矣所以廢助法而稅畝乎初者志變法之始也其後作丘甲用田賦至於涼其弊猶貪作法宣公啟之也故曰作國家者必欲克守成法而不於貪弊將若何有國家者必欲克守成法而先務本乎

冬錄生音註 始生曰錄既大曰螽秋螽未息冬又生子災重及民也而詳志之如此者急民事謹天災仁人之心王者之務也遇天災而不懼忽民事而不脩而又為繁政重賦以感之國之危矣無日矣

饑

春秋饑歲多矣書于經者三而宣公獨有其
二何也古者三年耕餘一年之畜九年耕餘
三年之食雖有凶旱民無菜色是歲雖蝻錄
而遽至於饑者宣公為國務華去實虛內事
外煩於朝會聘問賂遺之末而不敦其本府
庫竭矣倉廩匱矣水旱蝻錄天降饑饉亦無
以賑養貧乏矣經所以獨兩書饑
以示後世為國之不可不敦本也
戊辰定王十有六年
晉景七齊頃六衛穆七蔡
陳成六年
杞桓四十四宋文九鄭襄十二曹宣二
八秦桓十二楚莊二十一

春王正月晉人滅赤狄甲氏及留吁

按左氏董是役者士會也上將主兵其稱人
貶詞也甲氏潞之遺種留吁其殘邑也春秋

夏成周宣榭火

於夷狄攘斥之不使亂中夏則止矣伯禽征
徐夷東郊既開而止宣王伐儼後至于太原
而止武侯征戎瀘服其渠帥而止必欲盡殄
滅之無遺種豈仁人之心王者之事乎士會
所以貶而稱人也
音註 甲氏留吁赤狄之別種

成周天子之東都宣榭宣王之廟也按呂大
臨考古圖有邠敦者稱王格于宣榭呼內史
策命邠是知宣榭者宣王之廟也古者爵有
德祿有功必於太廟示不敢專也榭者拊堂
之制有堂無室以便射事故凡無室者皆謂
之榭宣王之廟謂之榭者其廟制如榭也宣
榭火何以書以示廟之重書之也貴戚擅殺
大臣而天子不討王室不復能中興矣人火
見戒乎所以
音註 呂大臨藍田人字與叔程
門高弟邾皮度反敦音對

秋郊伯姬來歸

按左氏郊伯姬來歸出也內女出書之策者男女居室人之大倫也婚之禮廢則夫婦之道若淫辟之罪多矣復相棄背喪其配耦氓之詩所以刺衛日以衰薄室家相棄中谷有稚所以閔周易叙咸恒為下經首春秋內女出夫人歸凡男女之際詳書于策所以正人倫之本也其旨微矣

冬大有年音註

大有年謂五穀大熟也程氏曰大有年記異也旱乾水溢饑饉薦臻者災也山崩地震彗孛飛流者異也景星甘露醴泉芝草百穀順成者祥也大有年上瑞矣何以為記異乎凡災異慶祥皆人為所感而天以其類應之者人事順於下則天氣和於上宣公弒立逆理亂倫水旱蝻蝻饑饉

之疫相繼而作史不絕書宜也獨於是冬乃大有年所以為異乎夫有年大有年一耳古史書之則為祥仲尼筆之則為異此言外微旨非聖人莫能修之者也

已

定王十年

十有七年

晉景公卒 齊頃公卒 衛穆公卒 魯宣公卒

三

陳成公卒 杞桓公卒 宋文公卒 秦桓公卒 楚莊王卒

春王正月庚子許男錫我卒音註

昭公卒 靈公立

丁未蔡侯申卒音註

景侯固立

夏葬許昭公葬蔡文公

日卒書名赴而得禮記之詳也葬而不月其略在內宣公為國務華而無忠信誠慤之心計利而不知禮義邦交之實衰死送終獨厚於齊而利害不切其身者皆闕如也大則薄

其君親次則忽於盟主又其次若秦若衛若
滕雖來告計急於禮而不會也此事以觀義
自見矣

六月癸卯日有食之

已未公會魯侯景衛侯穆曹伯宣邾子定同盟

于斷道音註再見斷道晉地斷音短同盟至新城而

書同盟者志同欲也小國訴之大國率之小國畏威而
從命非同欲也若斷道之盟諸侯同心謀欲伐齊
非同欲也若斷道之盟諸侯同心謀欲伐齊
釋其憤怒非有不得已而要之者也或以為
會同天子之事築宮為壇設方明如
方嶽之盟故書同疑其說之誤矣

秋公至自會

季子有一月壬午公弟叔盥卒

稱弟得弟道也稱字賢也何賢乎叔盥宣弒
而非之也非之則胡為不去也兄弟無絕道
故雖非之而不去也與之財則曰我足矣終
身不食宣公之祿君子以是為通恩也論情
可以明親親言義可以厲不執所以取貴于
春秋書曰公弟而稱字以表之也公子為正
大夫而書卒貴也不為大夫而特書卒賢也
或以為叔盥寵弟在宣公有私親之愛故生
而賜氏俾世其卿與季友仲遂比則其說誤
矣誠使叔盥有寵生而賜氏則是貴戚用事
之卿豈有不見於經者齊年鄭語在外之見
於經者季友仲遂在內之見於經者勢必與
聞政事執國命矣况宣公之時煩於聘問會
朝之禮遂茂季孫歸父交於鄰國衆矣而獨
叔盥不與焉其非生而
賜氏俾世其卿亦明矣

庚定王十有八年晉景九齊頃八衛穰九蔡宣四陳成八杞桓四十六宋文二十秦桓十四楚莊二十三卒

春魯侵衛世子臧伐齊

保國以禮為本者也齊頃公不謹於禮自己致寇所謂國必自伐而後人伐之矣諸侯上卿皆執國命取必於其君以行其克伐怨欲之私故盟于斷道師于陽穀大戰于鞌遲其志而後止春秋詳書于策見伐音註與伐者之罪皆可以為鑒矣音註安

公伐杞音註

自是不書君將征伐在大夫也○
邾取繹凡取皆不書其人
自伐杞凡伐皆不書公

夏四月

秋七月邾人戕鄆子于鄆

戕者殘賊而殺之也于鄆者刺臣子不能救君難也夷貉無城郭宮室百官有司單車使者直造其廬帳虜其酋長者則有之矣中國則重門擊柝庶陛等威侍衛守禦之嚴奚至於坐使其君為邾人殘賊殺之而莫禦乎邾人益嘗執鄆子用之則不共戴天之世讐也既不能復又使邾人得造其國都而戕殺其君曰于鄆者所以深責鄆之臣乎至此極也

音註

甲戌楚子旅卒音註

莊王卒子共王立楚始書卒

楚借稱王降而稱子者是仲尼筆之也其不書葬者恐民之惑而避其號是仲尼削之也若楚若吳若徐皆自王降而稱子若滕自侯降而稱子若杞自伯降而稱子四夷雖大皆

曰子其降而稱子者狄之也或謂春秋不攬進退諸侯亂名實則非矣述天理正人倫此名實所由定也奚名為亂哉

公孫歸父如晉

宣公因齊得國故刻意事之雖易世猶未忘也及頃公不能謹禮怒晉魯上卿而卻克當國決策討之晉方強盛齊少懦矣於是背齊而事晉其於邦交以利為向背無忠信誠慤之心者也按左氏歸父欲去三桓以張公室與公謀而聘於晉欲以晉人去之夫輕於背與國易於謀大家而不知其本末有能成而無悔也然則公室不可張乎務引其君當道正心以正朝廷禮樂刑政自己出也其廢幾乎必欲倚外援以去之是去疥癬而得腹心之疾也庸愈哉

季十月壬戌公薨于路寢

歸父還自晉至筮遂奔齊

音註

筮魯境也

仲尼稱孟莊子之孝其不改父之臣與父之政是難能也又曰三年無改於父之道可謂孝矣夫仁人孝子於其父之臣非有大不可如晉悼公於夷羊五之屬必存始終進退之禮而不遽也歸父以君命出使未反而君薨在聘禮有執圭復命于殯之文升自西階子臣皆哭情亦戚矣今宣公猶未殯而東門氏逐忍乎哉書曰歸父還自晉者已畢事之詞也至筮遂奔齊者罪成公君臣死君而忘父逐之亟也穀梁子曰捐殯而奔其父之使者是亦奔父也得經意矣君薨家遺方寸宜亦亂而造次顛沛不失禮焉非志於仁者弗能也詞繁而不殺歸父之善自著矣比事以觀則見當國者有無君之心此春秋所以作不

蔡景公二年

曹宣公五年魯成公十三年

滕文公十年魯成公十六年

陳成公九年

杞桓公十四年

薛詳見僖公元年

莒魯成公十四年見莒子宋卒一名渠

邾定公二十四年魯成公十七年定公卒宣公輕立

許靈公二年魯成公十五年許遷于葉

小邾詳見僖公元年

楚共王元年魯成公二年載令尹子重救齊成

陵敗績晉射共王中目楚殺子反

秦桓公十五年魯成公十四年桓公卒子景公立

吳魯成公七年吳伐郟始見經即吳子壽夢也壽夢名乘

越詳見隱公元年

辛未定王十年元年晉景十年齊頃九年衛楊十年

年陳成九年杞桓四十七年鄭襄十五年曹宣五

春王正月公即位

二月辛酉葬我君宣公

無冰

寒極而無冰者常燠也按洪範傳曰豫恒燠若此政事舒緩綱紀弛之象成公幼弱政在三家公室不張其象已見故當涸陰沍寒而常燠應之古者曰在北陸而藏冰於冰窟而啓朝之祿位賓食喪祭冰皆與焉此亦燠調愆伏之一事也今既寒而燠遂廢凌人之職然策書所載皆經邦大訓人有微而不登其姓名事有小而不記其本末而雷冰雪何以悉書天人一理也萬物一氣也觀於陰陽寒暑之變以察其消息盈虛此制治於未亂慎於微之意也每慎於微然後王事備矣

三月作丘甲

作丘甲益兵也古者九夫為井四井為邑四邑為丘四丘為甸甸地方八里旁加一里為成所取於民者出長轂一乘此司馬法一成之賦也為齊難作丘甲益兵備數重困農民非為國之道其曰作者不宜作也唐太宗問李靖楚廣與周制如何靖曰周制一乘步卒七十二人甲士三人以二十五人為一甲凡三甲共七十五人然則一丘所出十有八人積四丘而具一乘耳今作丘甲者即丘出一甲是一甸之中共百人為兵矣則未知其所作者三甸而增一乘乎每乘而增一甲乎魯至昭公時嘗蒐於紅華車千乘則計甸而增乘未可知也楚人二廣之法一乘至用百有五千人則魯每乘而增一甲亦未可知也雖不同其實皆為益兵其數皆增三之一耳先儒或言甲非人人之所能為又以為丘出甸賦加四倍者誤矣

音註 廣音曠 反並同

夏臧孫許及晉侯盟于赤棘

初宣公謀以晉人去三桓歸父為是見逐而奔齊矣今季孫當國恨齊人之立宣公納歸父又懼晉侯之或見討也故往結此盟赤棘晉地也其稱及魯所欲也盟非春秋所貴而惡屢盟者非惟長亂亦國用民力所難給也成公即位之初方經大故未有施舍已負逋鰥寡救乏困之事也為齊難既作立甲矣聞將出楚師又遠與晉尋盟豈固本保邦之道乎書及晉侯盟于赤棘非特備齊懼晉蓋三桓懷忿懟君父之心將有事于齊而汲汲欲之若罪可見矣

秋王師敗績于茅戎音註

茅戎別種也

程氏曰王師於諸侯不言敗諸侯不可敵王也於夷狄不言戰夷狄不能抗王也不可敵

不能抗者理也其敵其抗王道之失也桓王戈鄭兵敗身傷而經不書敗存君臣之義立天下之防也劉康公邀戎伐之敗績於徐吳氏而經不書戰辨華夷之分立中國之防也是皆聖人筆削非魯史之舊文也然筆於經者雖以尊君父外戎狄為義而君父所以尊戎狄所以服則有道矣桓王不以討賊興師而急於伐鄭康公不以恃信持國而輕於邀戎是失其所以君天下禦四夷之道也書敗績于茅戎者言自敗也其自反亦至矣

冬十月

壬定王十一年
申八年
十杞桓四十八
二卒秦桓十六
二十
二年
晉景三十一
齊頃十
衛穆十一
曹宣六
陳成

春齊侯伐我北鄙

初魯事齊謹甚雖易世而聘會不絕也及與
晉侯盟于斷道而後怨隙成再盟于赤棘而
後伐吾北鄙齊侯之興是役非義矣魯人為
鞞之戰豈義乎同日憤兵務相報復而彼此
皆無善者則亦不音註斷音
待貶而罪自見矣

夏四月丙戌衛孫良夫帥師及齊師戰于新築

衛師敗績音註

新築衛地衛書大

齊師侵虐而以衛主此戰何也衛侯初與晉
同盟于斷道矣又使世子戚與晉同伐齊矣
又使孫良夫石稷將侵齊矣及與齊師遇石
稷欲還良夫不可曰以師代人遇其師而還
將謂君何若知不能則如無出今既遇矣不
如戰也遂戰于新築故齊師雖侵虐而此戰
以衛主之也春秋善解紛貴遠怨
而惡以兵刃相接故書法如此

六月癸酉季孫行父臧孫許叔孫僑如公孫嬰

齊帥師會晉卻克衛孫良夫曹公子首及齊侯

戰于鞞齊師敗績音註

鞞齊地去齊五百里音

為師也自文之季年無使介至

是而無將佐魯三家之勢成矣

大國三軍次國二軍魯雖大國而四卿並將

是四軍也當此時舊制猶存尺地皆公室之

土也一民皆公室之兵也上卿行父與僑如

嬰齊各帥一軍會戰而臧孫許如晉乞師又
逆晉師為之道本不將兵特往來晉魯兩軍
之間預謀議耳成公初立主幼國危為季孫
一怒掃境內興師而四卿並出肆其憤欲雖
無人乎成公之側有不恤也然後政自季氏
出矣將稱元帥畧其副屬詞之體也而四卿
皆書者豈特為詳內錄哉堅冰之戒亦明矣

經之文例受伐者為主而此以四國及之者
以一笑之微殘民毒衆幾獲其君而怒猶未
怠焚雍門之茨侵車東至海故以四國主
之為憤兵之大戒見諸行事深切著明矣

秋七月齊侯使國佐如師已酉及國佐盟于袁

婁音註 袁婁齊地去齊五十里○楚屈完來盟

於楚也齊侯使國佐如師晉卻克進師而後盟禮

於袁也大夫敢為之夫以齊桓公之所不敢而

甚矣戰之忿也齊國佐如師與楚屈完來一也然陘之役則

曰來盟于師盟于荆楚暴橫憑陵諸夏齊桓公

盟于表婁何也荆楚暴橫憑陵諸夏齊桓公

盟也盟于召陵者桓公退舍禮與之盟也在

春秋時斯為善矣若夫素婁則異於是齊雖

侵雪一笑之耻至於殺人盈野非有擊強扶

弱之心國佐如師將以賂免非服之也晉大

夫又為質夫蕭同叔子齊君之母也則亦悖

矣由是國子不可請合餘燼皆城借一揖而

去之卻克使魯衛之使以其詞為之請逮于

袁婁而與之盟則汲汲欲盟者晉也故反以

晉人及之若此類見曲直之繩墨矣是故制

八月壬午宋公鮑卒音註 文公卒子 共公固立

取汶陽田音註 汶陽魯地 文音問

汶陽之田本魯田也取者得非其有之稱不
曰復而謂之取何也恃大國兵力一戰勝齊
得其故壤而不請於天王以正疆理則取之
不以其道與得非其有奚異乎然則宜柰何
考於建邦土地之圖若在封域之中則先王
所錫先祖所受經界世守不可亂矣不然侵
小得之春秋固與滅國繼絕世之義必有
處也魯在戰國時地方五百里而孟氏語慎
子曰如有王者作在所損乎在所益乎經
於復其故田而書取所損益亦可知矣

冬楚師鄭師侵衛

十有一月公會楚公子嬰齊于蜀音註

○蜀魯地自屈

完以來楚大夫皆無氏
按左氏魯衛受盟于晉從於伐齊故楚為陽
橋之後令尹子重曰師衆而後可於是王卒

盡行二國稱師者其衆也侵衛則書侵我師
于蜀致賂納質沒而不書非諱也書其重蓋
則莫重乎其以中國諸侯降班失列下與夷
狄之大夫會也季孫行父為國上卿當使其
君尊榮其民免於侵陵之患而危辱至此特
起於忿枝肆其褊心而不知制之以禮也書
曰必有忍乃其有濟懲忿窒慾德之脩也不
枝不求行之善也躬自厚而薄責於人遠怨
之方也季孫忿枝弗能懲也而辱逮君父不
亦憚乎故春秋史外傳心之要典也攷其行
事深切著明於以反
求諸已則亦知戒矣

丙申公及楚人秦人宋人陳人衛人鄭人齊人

曹人邾人薛人鄆人盟于蜀音註

以下楚卿不書皆貶惡也

盟而魯與必先書公尊內也次書主盟者衆
所推也此書公及楚人則知主盟者楚也公
子嬰齊秦右說宋華元陳公孫寧衛孫良夫
鄭去疾皆國卿也何以稱人楚僭稱王春秋
黜之比諸夷狄晉雖不競猶主夏盟諸侯苟
能任仁賢脩政事保固疆圉要結鄰好同心
擇義堅事晉室荆楚雖大何畏焉今乃西向
服從而與之盟不亦耻乎古者用夏服夷未
聞服於夷也乃是之從亦為不善擇矣經於
魯君盟會不信則諱公而不書不臣則諱公
而不書棄中國從夷狄則諱公而不書對之
盟棄晉從楚書公不諱何也事同而既既則
從同同正始之義也從荆楚而與盟既諱公
於僖十九年齊之盟矣是以於此不諱而人
諸國之大夫以見意也

癸酉定王十

三年

晉景十二齊頃十一衛定公臧
元年蔡景四鄭棄十七曹宣七

陳成十一年杞桓四十九宋共
公圍元年秦桓十七楚共三

春王正月公會晉侯宋公衛侯曹伯伐鄭

按左氏諸侯伐鄭討邲之後也遂東侵鄭公
子偃帥師禦之覆諸鄆敗諸丘輿夫討邲之
役則復怨勦民非觀釁也遂東侵則潛師掠
境非以律也覆而敗諸則專用詐謀非正勝
也度彼參此皆無善也畧而不紀勝負微也
晉侯稱爵而以伐書何也初為是後必以鄭
之從楚也附蛮夷援中國則盟主有詞于伐
耳宋衛未葬曷為稱爵皆殯越境以吉禮從
金革之音註邲音弼鄭
事也

辛亥葬衛穆公

二月公至自伐鄭

甲子新宮災三日哭

廟災而哭禮也得禮為常事則何以書維氏
劉絢曰新宮者宣宮也不曰宣宮者神主未
遷也知其未遷也宮成而主未入遇災而哭何
故知其未遷也宮成而主未入遇災而哭何
禮哉宣公薨至是二十有八月緩於遷主可
知矣言災則不恭之致亦自見矣此說據經
為合或曰禮稱有焚其先人之室則三日哭
新宮將以安神主也雖未遷而哭不亦可乎
曰先人之室蓋嘗寢於斯食於斯會族屬於
斯其居處笑語之所在皆可想也事死如事
生故有焚其室則哭之禮也
神主未遷而哭於人情何居

乙亥葬宋文公

按左氏文公卒始厚葬益車馬重器備君子
謂華元樂舉於是乎不臣考於經未有以驗

其厚也數其葬之月則信然矣天子七月諸
侯五月大夫三月士踰月以降綏遲速為禮
之節不可亂也文公之卒國家安靖外無危
難曷為越禮踰時逮乎七月而後克葬事哉
故知華元樂舉之棄君於惡而益其侈無疑
矣夫禮之厚薄稱人情而為之者也宋公在
殯而離次出境從金革之事哀戚之情忘矣
顧欲厚葬其君親比非有所不忍於死者特
欲誇耀淫侈無知之人耳世衰道微禮法既
壞無以制其侈心至於秦漢之間窮竭民力
以事丘隴其禍有不可勝言者春秋據事直
書而其失自見比類是也豈不為永戒哉

夏公如晉

鄭公子去疾帥師伐許

公至自晉

宣公薨至是三年之喪畢矣宜入朝京師見天子受王命然後歸而即攻可也嗣守社稷之重而不朝于周以拜汶陽田之故而往朝于晉其行事亦悖矣此春秋所為作也公行多不致其書公至自晉何其至也必有以也

秋叔孫僑如帥師圍棘音註棘汶陽之邑在濟北蛇丘

按左氏取汶陽之田棘不服故圍之復故地而民不聽至於命上將用大師環其邑而攻之何也魯於是時初稅畝作丘甲稅後日益重矣棘雖復歸故國所以不願為之民也歟成公不知薄稅歛輕力役脩德政以來之而肆其兵力雖得之亦必失之矣

大雩

晉卻克衛孫良夫伐厲魯如音註厲魯如赤秋別種也厲音

音臯

冬十有一月晉侯使荀庚來聘音註晉乘聘之始

衛侯使孫良夫來聘丙午及荀庚盟丁未及孫

良夫盟音註聘而遂盟之於始

劉敞曰諸侯有聘無盟聘禮也盟非禮也庚與良夫不務引其君當道而生事專命為非禮不信以干先王之典故不繫於國以見其遂事之辱非人臣之操此說然也其言及者公與之盟而不言公見二卿之抗也盟者春秋所惡於惡之中又有惡焉者此類是也

鄭伐許音註狄鄭也楚之伯鄭為之也由齊桓

諸夏之變於夷鄭為亂階也至辰陵鄭帥諸夏而事楚矣敗晉於夷盟十四國之君大夫于蜀

皆鄭為之是故狄秦而後狄

鄭微秦鄭則中國無左衽矣
稱國以伐狄之也晉楚爭鄭而事焉及邲
之敗於是乎專意事楚不通中華晉雖加兵
終莫之聽也至此一歲而再伐許甚矣夫利
在中國則從中國利在夷狄則從夷狄而不
擇於義之可否以為去就其所以異於夷者
幾希况又憑弱犯寡一歲之中而再動干戈
於鄰國不既甚乎春秋之法中國而夷狄行
者則狄之所以懲惡也以為告辭畧而從告
乃實錄耳一字為

甲定王二年 四年 晉景十三 齊頃十二 衛定二 蔡

戊十一年 杞桓五 宋共 鄭襄十八 卒曹宣八 陳成

二秦桓十八 楚共四 春宋公 使華元來聘 音註 宋始 聘魯

二月壬申鄭伯堅卒 音註 襄公卒悼 公費立

杞伯和來朝

夏四月甲寅臧孫許卒

公如晉

葬鄭襄公

秋公至自晉

冬城鄆 音註 鄆魯西 邑音運

鄭伯悼伐許

前此鄭襄公伐許既狄之矣今悼公又伐許
乃復稱爵何也喪未踰年以吉禮從金革之

事則忘親矣稱爵非美詞所以著其惡也

乙定王二十五年晉景十四齊頃十三衛定三

宋共三秦桓十九桓五十一

春王正月杞叔姬來歸音註叔姬魯僖公次女

前書杞伯來朝左氏以為歸叔姬也此書杞叔姬來歸則出也春秋於內女其歸其出錄之詳者男女居室人之大倫也男子生而願為之有室女子生而願為之有家又母之心人皆有之而不能為之擇家與室則夫婦之道苦淫僻之罪多矣王法所重人倫之本錄之詳也為世戒也

仲孫蔑如宋音註仲孫蔑即孟獻子也

夏叔孫僑如會晉葛首于穀音註穀齊地

梁山崩音註梁山在馮翊夏陽縣北

梁山韓國也詩曰奕奕梁山韓侯受命而謂之韓奕者言奕然高大為韓國之鎮也後為晉所滅而大夫韓氏以為邑焉書而不繫國者為天下記異是以不言晉也左氏載絳人之語於札文備矣而未記其實也夫降服乘縵徹樂出次祝幣史辭六者禮之文也古之遭變異而外為此文者必有恐懼脩省之心主於內若成湯以六事檢身高宗克正厥事宣王側身脩行欲銷去之是也徒舉其文而無實以先之何足以弭災變乎夫國主山川至於崩竭當時諸侯未聞有戒心而修德也故自是而後六十年間弒君十有四亡國三十二其應亦僭矣春秋不明著其事應而事應具存其可忽諸

秋大水

冬十有一月己酉天王崩

音註 定王崩子簡王立

十有二月己丑公會晉侯

景侯 頃

宋公共衛

侯

定鄭伯

悼曹伯

宣邾子

定杞伯

桓同盟于蟲

牢

音註 留封丘縣北

按左氏許靈公愬鄭伯于楚鄭伯如楚訟不勝歸而請成於晉盟于蟲牢鄭服也鄭服則何以書同盟天王崩赴告已及在諸侯之策矣以所聞先後而奔喪禮也而九國諸侯會盟不廢故特書同盟以見其皆不臣春秋惡盟誓於惡之中又有惡焉者此類是也

丙子元年

六年

晉景十五齊頃十四衛定四蔡景子元年七年鄭悼二卒曹宣十陳成十四杞

桓五十二宋共四秦桓二十楚共六吳子壽夢元年

春王正月公至自晉

二月辛巳立武宮

武宮武公之宮立武宮非禮也喪事即遠有進而無退宮廟即遠有毀而無立故二昭二穆與太祖而五者諸侯之廟制也曰考廟曰王考廟曰皇考廟皆有祭焉曰顯考廟曰祖考廟專嘗乃止去祖為壇去壇為墀考廟曰禘則祭無禘乃止去禘為壇為墀壇墀有武公至是歷世十一其毀已久而輒立焉非即遠有終之意故特書曰立立者不宜立也

音註

善 墀音

取鄭音註

鄭附庸 國音專

鄭微因也書取者成之也成而書取為君隱也項亦因也其書成者以信公在會季孫所為故直書其事而不隱此春秋尊君抑臣以辨上下謹於微之意也人倫之際差之毫釐繆以千里故仲尼特立此義以示後世臣子使以道事君而無朋附權臣之惡於傳有之犯上千主其罪可救班荆費臣禍在不測故臣子多不憚人主而畏權臣如漢谷永之徒直攻成帝不以為憚至於王氏則周旋相比結為死黨而人主不之覺此世世之公患也歸父家遺緣季氏也朝吳出奔因無極也王章殺身忤王鳳也鄴侯寄館避元載也惟殺生在下而人主失其柄也是以黨與衆多知有權臣而不知有君父矣使春秋之義得行尊君抑臣以辨上下每謹於微豈有此患乎

衛孫良夫帥師侵宋

夏六月邾子定來朝

公孫嬰齊如齊音註

壬申鄭伯費卒音註

秋仲孫蔑叔孫僑如帥師侵宋

魯遣二卿為主將動大衆焉有事于宋而以侵書者潛師侵掠無名之意蓋陋之也於衛孫良夫亦然上三年嘗會宋衛同伐鄭矣次年宋使華元來聘通嗣君矣又次年魯使仲孫蔑報華元矣是年冬鄭伯背楚求成于晉而魯衛與宋又同盟于蟲牢矣今而有事於宋上卿受鉞大衆就行而師出無名可乎故特書侵以罪之也左氏載此師晉命也後二年年宋來納幣請伯姬焉則此師為晉而舉非魯志明矣兵戎有國之重事邦交人道之大

嬰齊叔

費音秘○悼公卒弟成公論立

倫聽命於人不得已焉將能立乎春秋所以罪之也

楚公子嬰齊帥師伐鄭楚始書大夫將也自是

冬季孫行父如齊

晉欒書帥師救鄭

荆楚僭號稱王聖人比諸夷狄而不救者大
一統以存周使民著於君臣之義也鄭能皆
夷即華是改過遷善出幽谷而遷喬木也嬰
齊為是帥師又因其喪而伐之不義甚矣經
所以深惡之也書卿帥師伐鄭於文無貶辭
何以知其深惡楚也下書欒書武子帥師救鄭
則知之矣凡書救者未有不善之也而伐者
之罪著矣按左氏晉楚遇于桑隧軍帥之欲
戰者八人武子遂還則無功也亦何善之有
曰此春秋之所以善欒書也而軍相加兵刃

廿三

既接折載執俘計功受賞此非仁人之心王
者之事故舞干而南格者舜也因壘而崇降
者文也次于陘而屈完服者齊桓也會于蕭
魚而鄭不叛者晉悼也武子之能不遷戮而
知還也亦
庶幾哉

丁簡王七年晉景十六齊頃十五衛定五蔡景

丑二年鄭成公踰元年曹宣十一陳成

桓五年杞桓五十三宋共五蔡

春王正月鼯鼠食郊牛角改卜牛鼯鼠又食其

角乃免牛音註

穀梁子曰郊牛日展斛角而知傷展道盡矣
其所以備災之道不盡也改卜牛鼯鼠又食
其角則亡乎人矣非人之所能也所以免有
司之過也有司免過即變異也其應云何許

翰曰小害大下賊上食而又食三桓子孫相繼之象也宣公有虞三桓之志至成始弗戒矣理或然也

吳伐郟

音註

郟音

稱國以伐狄之也吳本太伯之後以族屬言則周之伯父也何以狄之為其僭天子之大號也按國語云命圭有命固曰吳伯不曰吳王然則吳本伯爵也後雖益熾浸與中國會盟進而書爵不過曰子亦不以本爵與之故紀於禮書曰四夷雖大皆曰子此春秋之法仲尼之制也而以為不敢擅進退諸侯亂名實者誤矣

夏五月曹伯來朝

不郊猶三望

吳郡朱長文曰禮天子有四望諸侯則祭境內山川而已魯當祭泰山泰山魯之境也禮所得祭故不書三望僭天子之禮是以書之其說是矣楚子軫言三代命祀祭不越望而曰江漢沮漳楚之望非也楚始受封濱江之國漢水沮漳豈其境內哉此亦據後世并兼封畧言之爾

音註

人著春秋通志二十卷

秋楚公子嬰齊帥師伐鄭公會景侯

齊侯 景侯 頃

宋公 共 衛侯 定 曹伯 宣 莒子 朱 邾子 定 杞伯 桓

救鄭八月戊辰同盟于馬陵

音註

馬陵

楚人軍旅數起頻年伐鄭以其背已而從諸夏也與莊之欲討微舒而入陳亦異矣書大夫之名氏書帥師書伐而無貶詞者所謂不待貶絕而罪自見著也晉合八國之君親往

救鄭則攘夷狄安中國之師也欲著其善故特書救鄭以美之言救則楚罪益明而鄭能背夷即華善亦著矣前此晉遣上將諸國不與焉此則其君自行而會合諸國則楚人暴橫憑陵諸夏之勢益張亦可見矣故盟于馬陵而書同盟者同病楚也

公至自會

吳入州來音註

州來楚邑○吳楚交兵不書至是始書之傳曰是以始大通吳

於上國晉人為之也

冬大雩

衛孫林父出奔晉音註

交上

春秋胡傳卷之十九終

春秋胡傳卷之二十

成公下

成簡王八年晉景十七齊頃十六衛定六蔡景

寅三年九鄭成二曹宣十二陳成十六杞桓五十四宋共六秦桓二

春晉侯使韓穿來言汶陽之田歸之于齊

汶陽之田本魯田也魯人恃大國之威以兵力脅齊得其故地而不正疆理於天王則取之不以其道也卻克戰勝令于齊曰反魯衛之侵地齊既從之今復有命俾歸諸齊則歸之不以其道也而齊人貪得晉有二命穿也列卿無所諫止皆罪也來言者緩詞也歸之于者易詞也為國以禮者無憚於強而魯侯微弱遂以歸齊而不能保罪亦見矣

晉欒書歸師侵蔡

公孫嬰齊如莒

宋公使華元來聘

夏宋公使公孫壽來納幣

音註 公孫壽蕩意諸之流

納幣不書此何以書公孫壽卿也納幣使卿非禮也禮不可畧亦不可過惟其稱而已矣畧則輕大倫過則溺私愛宋公之請伯姬魯侯之嫁其女皆致其厚者也而不知越禮逾制豈所以重大婚之禮哉經悉書之為後法也

晉殺其大夫趙同趙括

按左氏趙莊姬為趙嬰之亡譖于晉侯曰原屏將為亂栾卻為徵晉討趙同趙括以其不

秋七月天子使召伯來賜公命

音註 召音邵賜命止此

與祁奚韓厥言於君曰成季之勲宣孟之忠而無後為善者懼矣乃立武而反其田然則同括無罪為莊姬所譖而栾卻害之也故稱國以殺而不去其官以見晉之失政刑矣

冬十月癸卯杞叔姬卒

晉侯使士燮來聘叔孫僑如會晉士燮齊人邾

人伐郊

按左氏士燮來聘言伐郊也以其事吳故公請緩師不可吳初伐郊季孫固曰中國不振旅蠻夷入伐而莫之或恤亡無日矣當其時既不能救及其既成豈獲已也而又率諸國伐之何義乎前書來聘下書會伐晉侯之為盟主可見矣魯既知其不可從大國之令而不敢違其不能立亦可知矣

衛人來媵

音註媵為伯姬歸宋也媵者何諸侯有三歸媵夫人行則姪娣從二國來媵亦以姪娣從凡一娶九女所以廣繼嗣三國來媵非禮也夫以禮制欲則治以欲敗禮則亂而諸侯一娶十有二女則是以欲敗禮矣備書三國以明逾制為後戒也

媵者何諸侯有三歸媵夫人行則姪娣從二國來媵亦以姪娣從凡一娶九女所以廣繼嗣三國來媵非禮也夫以禮制欲則治以欲敗禮則亂而諸侯一娶十有二女則是以欲敗禮矣備書三國以明逾制為後戒也

簡王九年晉景十八齊頃十七卒衛定十七蔡
杞桓五十五宋共七秦桓
二杞桓五十五宋共七秦桓
春王正月杞伯來逆叔姬之喪以歸

凡筆於經者皆經邦大訓也杞叔姬一女子爾而四書于策何也春秋慎男女之配重夫夫婦然後有父子故春秋慎男女之配重夫婚之禮以是為人倫之本也事有大於此者乎男而賢也得淑女以為配則自家刑國可移風俗女而賢也得君子以為歸則承宗廟奉祭祀能化天下以歸道豈曰小補之哉夷考杞叔姬之行雖賢不若宋去姬亦不至如鄆季姬之越禮也杞伯初來朝魯然後出之卒而復逆其喪以歸者豈非叔姬本不應出故魯人得以義責之使復歸葬乎魯在春秋時內女之歸不得其所者有矣聖人詳錄

其始卒欲為後鑒使得有終而無弊也其經世之慮遠矣

公會晉侯景齊侯頃宋公共衛侯定鄭伯成曹

伯宣莒子朱杞伯桓同盟于蒲音註蒲衛

按左氏為歸汶陽之田故諸侯或於晉晉人懼會于蒲以尋馬陵之盟夫盟非固結之本也衛獻公言於甯喜求復國喜曰必子鮮在不然必敗小邾射以句繹求奔曰使季路要我吾無盟夫信在言前者不言而自喻誠在令外者不令而自行晉初下令於齊反魯衛之侵地和齊不敢違者以其順也齊既從之魯君親往拜其賜矣復有二命俾歸諸齊一與一奪信不可知無惑乎諸侯之解體也晉人不知反求諸已博信明義以補前行之愆而又欲刑牲歃血要質鬼神以御之是從事於末而不知本矣特書同盟以罪晉也

公至自會

二月伯姬歸于宋

夏季孫行父如宋致女晉人來媵

致女者何女既嫁三月而廟見則成婦矣而後父母使人安之故謂之致也常事爾何以書致女使卿非禮也經有因褒以見貶者初獻六羽之類是也亦有因貶以見褒者致女來媵之類是也伯姬賢行著於家故致女使卿特厚其嫁遣之禮賢名聞于遠故諸國爭媵信其無妬忌之行程氏以為一女子之賢尚聞於諸侯况君子哉或曰魯女雖賢豈能聞於遠乎曰古者庶女與非教者則求為媵固為之擇賢小君則諸侯之賢女自當聞矣

秋七月丙子齊侯無野卒音註

頃公卒子靈公環立

晉人執鄭伯 晉欒書帥師伐鄭

按左氏楚人以重賂求鄭鄭伯會公子成于鄧秋鄭伯如晉晉人討其貳於楚執諸銅鞮乘書伐鄭鄭使伯獨行成晉人殺之楚子重侵陳以救鄭稱人而執者既不王命又不歸諸京師則非伯討也殺伯獨不書者既執其君矣則行人為輕亦不足紀也楚子重侵陳與處父救江何異削而不書者鄭亦有罪焉耳夫背夷即華正也今以重賂故又與楚會則是惟利之從而不要諸義也故鄭無可救之善楚不得有能救之名

冬十有一月葬齊頃公

楚公子嬰齊帥師伐莒庚申莒潰楚人入鄆

音註 鄆莒別邑也○伐稱名入稱人書法與會盟蜀同

按左氏楚子重自陳伐莒圍渠丘城惡衆潰楚師圍莒莒城亦惡庚申莒潰楚遂入鄆孟子曰鑿斯池也築斯城也與民守之效死而民不去是則可為也夫鑿池築城者為國之備所謂事也效死而民不去為國之本所謂政也言恃其陋不脩城郭決辰之間楚克其三都信無備矣然兵至而民逃其上不能使民效死而不去則昧於為國之本也雖隆言之城何益乎故經於莒潰特書日以謹之者以明城郭溝池重門擊柝皆守邦之末務必為固本安民為政之急耳

秦人桓白狄伐晉

經所謹者華夷之辨也晉嘗與白狄伐秦秦亦與白狄伐晉族類不復分矣其稱人貶詞也武王伐商誓師牧野庸蜀羗髳微盧彭濮皆與焉豈亦不謹乎除天下之殘賊而拯民

於水火之中雖蠻夷戎狄以義驅之可也亦慮其同惡相濟貽患於後也中國友邦自相侵伐以為不義又與非我族類者共焉不亦甚乎晉既失信復聽婦人說說殺其世臣而諸侯皆貳秦狄交伐比事以觀可謂深切著明矣

鄭人圍許

城中城音註

中城者郭之外也經世安民視道之得失不倚城郭溝池以為固也穀梁子謂凡城之志皆譏其說是矣言雖恃陋不設備至使楚人入鄆苟有令政使民效死而不潰寇亦豈能入也城非春秋所貴而書城中城其為微守益微矣王公設險以守其國非歟曰百姓之城七里之郭設險之大端也謹於禮以為國辨尊卑分貴賤別等威異物采凡所以杜絕陵僭限隔上下者

乃體險之大用也獨城郭溝池之足恃乎

庚辰 五年 十年 晉景十九卒齊靈公環元年衛定

成 十八 杞桓五十六 宋共八 秦桓二十四 楚共十 吳壽夢五

春衛侯之弟黑背帥師侵鄭

按左氏衛子叔黑背侵鄭晉命也其曰衛侯之弟者子叔黑背生公孫剽孫林父甯殖出衛侯術而立剽亦以父有寵愛之私故得立耳此與齊之夷仲年無異其特書弟以為後戒可謂深切著明矣

夏四月五卜郊不從乃不郊

五月公會晉侯齊侯靈宋公共衛侯定曹伯

宣伐鄭

齊人來媵

伯姬也異姓來媵非禮也

丙午晉侯獯卒

景公卒太子州蒲五月先立以伐鄭獯乃侯反

秋七月公如晉

此葬晉侯也而不書諱之也天子之喪動天下屬諸侯諸侯之喪動通國屬大夫公之葬晉侯非禮也唯天子之事焉可也傳以晉人止公送葬諸侯莫在為魯人辱之故諱而不書非矣假令諸侯皆在魯人以為辱而可書乎

冬十月

辛簡王六年

十有一年

晉厲公州蒲元年齊靈二衛定九蔡景十二鄭成五曹宣

十五陳成十九杞桓五十七宋共九秦桓二十五楚共十一吳壽夢六

春王正月公至自晉

晉侯使卻犇來聘己丑及卻犇盟

夏季孫行父如晉

秋叔孫僑如如齊

冬十月

壬簡王七年

十有二年

晉厲二齊靈三衛定十蔡景十三鄭成六曹宣十六陳武

三十杞桓五十八宋共十秦桓二十六楚共十二吳壽夢七

春周公出奔晉

周公天子三公也

按左氏周公楚惡惠襄之偏且與伯與爭政不勝怒而出王使劉子復之盟于鄆而八三日復出奔晉夫人主無誠慤之心而下要大臣盟是謂君不君人臣無忠信之實而上與人主盟是謂臣不臣既已要質鬼神以入矣又叛盟失信而出奔則是自絕於天也自周無出而書曰出者見周室衰微刑政號令不行於天下爾

夏公會晉侯厲衛侯定于瑣澤音註瑣澤地關

澤○此晉楚為成也於是晉士燮會楚公子罷許偃盟于宋西門之外不書存中國也

秋晉人厲敗狄于交剛音註交剛地

冬十月

癸未八年十有三年晉厲三齊靈四衛定十一蔡景十四鄭成七曹宣十七卒

陳成二十一祀桓五十九宋共十一秦桓二十七楚共十三吳壽慶八

春晉侯厲使卻錡來乞師音註錡魚

晉主身盟行使諸侯微會討貳誰敢不從以霸王之尊而書曰乞師何也列國疏封雖有大小土地甲兵受之天子不相統屬魯兵非晉所得專也今晉不以王命與諸侯之師故特書曰乞以見其卑伏屈損無自反而縮之意矣聖人作春秋無不重內而輕外至於乞師則內外同辭者蓋皆有報怨復讐貪得之心是以如此若夫誅亂臣討賊子請於天王以大義驅之誰不拱手以聽命何至於乞哉意此聖人所以垂戒後世見諸行事之深切者明者也

三月公如京師

夏五月公自京師遂會晉侯厲齊侯靈宋公成

衛侯定鄭伯成曹伯宣邾人定滕人文伐秦

諸侯每歲侵伐四出未有能脩朝覲之禮者今公欲會伐秦道自王都不可越天子而往也故皆朝王而不能成朝禮書曰如京師見諸侯之慢也因會伐而行矣又書公自京師以伐秦為遂事者此仲尼親筆明朝王為重存人臣之禮也古者諸侯即位喪服畢則朝小聘大聘終則朝巡狩于方嶽則朝觀春秋所載天王遣使者慶矣十二公之述臧蓋闕如也獨此年書公如京師又不能成朝禮不敬莫大焉君臣人道之大倫而至於此極故仲尼常喟然嘆曰夷狄之有君不如諸夏之亡也為此懼作春秋或抑或縱或予或奪所以明君臣之義者至矣其義得行則臣必敬於君子必敬於父天理必存人欲必消大分

必正豈曰小補之哉此以伐秦為遂事之意也

曹伯廬卒于師音註宣公卒成公負芻立

秋七月公至自伐秦

冬葬曹宣公

甲簡王申九年十有四年晉厲四齊桓五衛定十一卒

芻元年陳成二十起桓六十宋共十二

春王正月莒子朱卒音註即渠立公卒比公密州立

夏衛孫林父自晉歸于衛

秋叔孫僑如如齊逆女

鄭公子喜帥師伐許

九月僑如以夫人婦姜氏至自齊音註

婦姜氏有姑之

常稱也若妾姑則不書氏是故有成風則出姜不氏有敬嬴則穆姜不氏所以別嫡姑也穀梁子大夫不以夫人以夫人非正也刺不親迎也僑如之不氏一事而再見者卒名耳然則娶于他邦而道里或遠必親迎乎以封壤則有大小以爵次則有尊卑以道途則有遠邇或迎之於所館中禮之節可也

冬十月庚寅衛侯滅卒音註

定公卒子獻公衍立

秦伯卒音註

桓公卒子景公立

乙簡王西十年

十有五年

晉厲五齊靈六衛獻公衍元年蔡景十六鄭成九曹成二

陳成二十三年起桓六十一宋共十三卒秦景公元年楚共十五吳壽夢十

春王二月葬衛定公

三月乙巳仲嬰齊卒

嬰齊者公子遂之子公孫歸父之弟也歸父出奔齊魯人徐傷其無後也於是使嬰齊後之故書曰仲嬰齊此可謂亂昭穆之序失父子之親若以後歸婦則弟不可為兄嗣以後襄仲則以父字為氏亦非矣

癸丑公會晉侯厲衛侯獻鄭伯成曹伯成宋世

子成齊國佐靈邾人定同盟于戚音註
國佐齊大夫國

也武子

晉侯厲執曹伯成歸于京師音註持書晉侯討有罪也

稱侯以執伯討也何以為伯討晉合諸侯伐秦曹宣公卒于師曹人使公子負芻守使公子欣時逆曹伯之喪負芻殺其太子而自立至是晉侯執之又不敢自治而歸于京師使即天刑夫是之謂伯討春秋執諸侯者衆矣未有執得其罪如此者故獨書其爵

公至自會

夏六月宋公固卒音註共公卒子平公成立

楚子伐鄭

秋八月庚辰葬宋共公

宋華元出奔晉宋華元自晉歸于宋宋殺其六

夫山宋魚石出奔楚音註宋殺其大夫山此蕩

書氏有司法守之辭也魚石公子目夷魯孫

宋六卿魚氏蕩氏向氏鱗氏皆桓族也華氏戴族也華元為右師魚石為左師蕩氏汰而驕共公卒已葬蕩澤弱公室殺太子肥華元

曰我司君臣之訓而不能正罪大矣不能治官敢賴寵乎乃出奔晉魚石將止之魚府曰

元反必討是無桓氏也石曰彼多大勳國人

所與不反懼桓氏之無祀於宋也遂自止元於河止元歸使國人攻桓氏殺蕩山出魚石

國然後定元之出奔晉與歸于宋皆不省文者著其正也書之重詞之復必有美惡焉詞

繁而不殺所以與之也以不賴寵而出奔以謂使人與晉皆許之討而後入正可知矣蕪轍

是也山不書氏皆其族也背其族者伐其本

也人而無本人道絕矣葛藟猶能
庇其本根况於人而忍伐其本乎

冬十有一月叔孫僑如會晉欒黶齊高無咎宋

華元衛孫林父鄭公子魋邾人會吳子鍾離

音註魋音秋鍾離楚邑淮南縣此會吳之始亦
晉以諸侯之大夫會吳之始○自是大夫

自為
會矣

吳以號舉夷之也會而殊會外之也殊會有
二義會王世子于首止意在尊王室不敢與
世子抗也會吳于鍾離于相于向意在賤夷
狄而罪諸侯不敢與之救也夫以太伯至德
是始有吳以族言之則周之伯父也至其後
世遂以號舉者以其僭竊稱王不能居中國
之爵號耳成襄之間中國無霸齊晉大國亦
皆俛首東向而親吳聖人特傷之故特殊會

可謂深切

著明矣

許遷于葉葉近楚之邑音攝

丙簡王十有六年晉厲六年齊靈七年衛獻二十二年陳

成二十四年杞桓六十二年宋平公成元年

春王正月兩水冰

兩水冰者雨而水冰也何休曰水者少陽物
君大臣之象冰者疑陰兵之類也冰脅木者
君臣將執於兵之徵未幾而有沙隨若丘之
事天人之際休咎之應焉可誣也而欲盡廢
五行傳亦過矣

夏四月辛未滕子卒文公卒成

鄭公子喜帥師侵宋音註善即

六月丙寅朔日有食之

晉侯使欒黶來乞師音註黶音

甲午晦晉侯厲及楚子共鄭伯成戰于鄆陵楚

子鄭師敗績音註鄆陵

不書師敗績以其君親集矢於目而身傷為重也當是時兩軍相抗未有勝負之形晉之捷也亦幸焉爾幸非持勝之道范文子所以立於軍門有聖人能內外無患盍釋楚以為外懼之戒乎楚師雖敗其勢益張晉遂怠矣卒有栾氏之譖而誅三郟國內大亂聖人備書以見行事之深切著明也

楚殺其大夫公子側

秋公會晉侯厲齊侯靈衛侯獻宋華元平邾人

定于沙隨不見公音註沙隨

臣子之於君父揚其美不揚其惡為尊者諱為親者諱禮也聖人假魯史以示王法其於魯事有君臣之義故君弒則書薨易地則書假成國則書取出奔則書遜屈已而與強國之大夫盟則書及叛盟失信而莫適守則沒公而書會凡此類雖不沒其實示天下之公必隱避其辭以存臣子之禮然則沙隨之會晉不見公是魯侯之大辱深可耻焉者矣曷為直書其事而不諱乎曰春秋伸道不伸邪榮義不榮勢正已而無恤乎人以仁禮存心而不憂橫逆之至者也沙隨之會魯有內難師出後期所當恤者晉人聽叔孫僑如之譖

公至自會

怒公而不見曲在晉矣魯侯自反非有背仁棄禮不忠之咎也昔魯子嘗聞大勇於夫子曰自反而縮雖千萬人吾往矣孟子言浩然之氣至大至剛以直養而無害則塞乎天地之間沙隨之不見於公何歎乎直書而不諱者示天下後世使知大勇浩然之氣所以守身應物如此其

音註 橫去聲難苦旦反 背音佩應於證反

公會于

武公晉侯 厲齊國佐 靈邾人 定伐鄭

音註

尹子周卿士子爵也 於是始以王臣與伐

曹伯

成歸自京師

曹伯不名其位未嘗絕也不絕其位所以墮乎天王也其言自京師王命也言天王之釋

有罪也善不蒙賞惡不即刑以克為君舜為臣雖得天下不能一朝居也負芻殺世子而自立不能因晉之執實諸刑典而使復國則無以為天下之共主矣

九月晉人執李孫行父舍之于莒丘

音註 莒丘晉地

音註 條

冬十月乙亥叔孫僑如出奔齊

十有二月乙丑季孫行父及晉郤雙盟于扈

音註

晉許魯平故盟

公至自會

乙酉刺公子偃

按左氏宣伯通於穆姜欲去季孟而取其室戰于鄆陵之日公將行穆姜送公而使逐二子公以晉難告曰請反而聽命姜怒公子偃於壞墮申宮傲備設守而後行是以後使孟獻子守於公宮宣伯使告卻驪曰魯侯待於壞墮以待勝者卻驪取貨於宣伯而訴公于晉侯晉侯不見公公會諸侯伐鄭將行姜又命公如初公又申守而行宣伯使告卻驪曰魯之有季孟猶晉之有栾范也政令於是乎成今有謀曰晉政多門不可從也寧事齊楚有亡而已蔑從晉矣若欲得志於魯請止行父而殺之我斃蔑也不然歸必叛晉人執季文子于荏丘公還待于鄆使子叔聲伯請季孫于晉卻驪曰苟去仲孫蔑而止季孫行父吾與子國親於公室對曰僑如之情子必聞之矣若去蔑與行父是大棄魯國而罪寡君也若猶不棄使寡君得事晉公則夫二人者

魯國社稷之臣也若朝亡之魯必夕亡范文子謂栾武子曰季孫於魯相二君矣妾不衣帛馬不食粟可不謂忠乎信譏隱而棄忠良若諸侯何乃許魯平赦季孫出叔孫僑如而盟之季孫及卻驪盟

音註

還音

十有七年

晉厲七年齊靈八年衛獻三年蔡

丁亥

簡王十年景十八年鄭成十一年曹成四年

陳成

二十五年杞桓六十二年宋平二年

秦景

三楚共十七年吳壽夢十二年

春衛

北宮括帥師伐鄭

夏公會

尹子單于晉侯厲齊侯靈宋公平衛侯

六月乙酉

同盟于柯陵

音註

柯陵鄭西地此言同盟尹單與盟之

獻曹伯

定邾人

伐鄭

成

春秋左傳

卷之

也辭

秋公至自會

齊高咺出奔莒音註高咺齊大夫也

九月辛丑用郊

郊之不時未有甚於此者也故特曰用郊用者不宜用也或曰蓋以人饗叩其鼻血以薦也古者六畜不相為用况敢用人乎

晉侯使荀息來乞師音註莒已

冬公會單子晉侯厲宋公平衛侯獻曹伯成齊

人靈邾人安伐鄭

十有一月公至自伐鄭

壬申公孫嬰齊卒于貍脤音註貍脤地關貍力

十有二月丁巳朔日有食之

邾子矍且卒音註矍音躍且音狙○

晉殺其大夫卻錡卻犇卻至

楚人滅舒庸音註舒庸東夷偃姓之國

十有八年音註晉厲八弒齊靈九衛獻四

子簡三年陳成二十六年杞桓六十四年宋平

春王正月晉殺其大夫胥童

庚申晉殺其君州蒲

音註厲公弒悼

弒君天下之大罪討賊天下之大刑春秋合於人心而定罪聖人順於天理而用刑固不以大需釋當誅之賊亦不以大刑加不弒之人然趙盾以不越境而書弒許世子止以不嘗藥而書弒鄭歸生以憚老懼說而書弒楚公子比以不能效死不立而書弒齊陳乞以廢長立幼而書弒晉栾書身為元帥親執厲公於匠麗氏使程滑弒公而以車一乘葬之於翼東門之外而春秋稱國以弒其君而不著栾書之名氏何哉仲尼無私與天為一奚獨於趙盾許止歸生楚比陳乞則責之甚備討之甚嚴而於栾武子澗畧如此乎學者深求其旨知聖人之誅亂臣討賊子之大要也而後可與言春秋矣

齊殺其大夫國佐

公也晉

夏楚子共鄭伯成伐宋宋魚石復入于彭城

音註彭城宋邑

此伐宋以納魚石其不曰納宋魚石于彭城何也劉敞曰不與納也諸侯失國諸侯納之正也諸侯世也大夫失位諸侯納之非正也大夫不世也諸侯託於諸侯禮也大夫託於諸侯非禮也其言復入者已絕而復入惡之甚者宋魚石晉栾盈是矣

公至自晉

晉侯悼使士匄來聘

秋杞伯桓來朝

八月邾子宣來朝

築鹿囿音註築墻為鹿苑

已丑公薨于路寢

冬楚人共鄭人成侵宋

晉侯使士魴來乞師音註魴音房

十有二月仲孫蔑會晉侯悼宋公平衛侯獻邾

子宣齊靈崔杼同盟于虛打音註虛打宋地打他于反

丁未葬我君成公

春秋胡傳卷之二十終

春秋胡傳卷之二十一

附林堯叟音註括例始末

襄公上音註公名午成公子母定姒音註因

周簡王十四年魯襄公二年簡王崩子靈王立襄二十八年魯襄公二年成公卒子僖

鄭成公十三年魯襄公二年成公卒子僖公音註卒簡公嘉立

齊靈公十年魯襄公十九年靈公卒子莊公光立襄二十五年莊公弒弟景公音註立

宋平公四年

晉悼公復霸元年韓厥為政襄七年知瑩為政襄十一年會于蕭魚服鄭襄十三年荀偃為政襄十五年悼公卒子平公音註立襄十九年

士句為政襄二十五年趙武為政襄三十七

年晉楚盟于宋

(南北分霸始此)

衛

獻公五年魯襄公十四年獻公奔齊衛立公孫剽景為殤公襄二十六年殤公弑獻復歸于衛襄二十九年

蔡

景公二十年魯襄公三十一年景公弑子靈公般立

曹

成公六年魯襄公十八年成公卒子武公滕立

陳

成公二十七年魯襄公四年成公卒子哀公弱立

杞

桓公六十五年魯襄公六年桓公卒子孝公立襄三十二年孝公卒弟文公益姑立

薛

詳見僖公元年

莒

犁比公五年魯襄公十六年晉執犁比公襄三十二年犁比公弑子展與立

邾

宣公三年魯襄公十六年晉執宣公襄十七年宣公卒悼公華立襄十九年晉執悼公

許

靈公十八年魯襄公二十六年靈公卒楚悼公買立

小邾

魯襄公七年小邾穆公來朝

楚

共王十九年子重為令尹魯襄公三年子重伐吳卒子辛為令尹襄五年楚殺子辛子襄為令尹襄十三年共王卒子康王昭立襄十五年子庚為令尹襄二十一年子南為令尹二十二年遠子馮為令尹襄二十五年子木為令尹襄二十八年康王卒邾敖慶立

秦

景公五年壽夢十四年魯襄公十二年壽夢卒諸樊立一名遏襄二十五年遏門子巢卒餘祭立一

吳

名載襄二十九年餘徐
卒夷昧立一名餘昧

越 詳見隱公元年
及魯昭公元年

巴 簡王十年
元年 晉悼公周元年
齊靈十年 衛獻

曹 成六年 陳成二十七年
杞桓六十五年 宋平

四年 秦景五年 楚共十九年
吳壽夢十四年

春王正月公即位
仲孫蔑會晉欒黶宋華元
平 衛甯殖 曹人 成

莒人 比邾人 宣 滕人 成
薛人 圍宋彭城

被左氏曰非宋地追書也然則書圍彭城者
魯史舊文也曰圍宋彭城者仲尼親筆也楚
已取彭城封魚石成之三百乘矣則昌為繫
之宋楚不得取之宋魚石不得受之楚維連

其地居子不登叛人所所以
正疆域固封守謹王度也

夏晉韓厥帥師伐鄭仲孫蔑會齊崔杼曹人邾

人杞人次于鄆音註 鄆鄭地○書次從晉而未
決也亦以見復伯之難

楚人釋君而臣是助事已悖矣晉於是乎降
彭城以魚石歸遂伐鄭而諸侯次于鄆此
皆放於義而行者也傳書楚子牽救鄭而經
不書者鄭本為楚以其君之故親集矢於目
是以與楚而不貳也棄中國從蠻夷不能以
大義裁之惟私欲之從則鄭無可救之善楚
不得有能救之名經
所以制之不言救也

音註 降平聲
為去聲

秋楚公子壬夫帥師侵宋

九月辛酉天王崩音註

簡王崩子
靈王立

邾子來朝

冬衛侯獻使公孫剽來聘晉侯悼使荀彘來聘

音註

剽則反

簡王崩赴告已及藏諸侯之策矣則宜以所聞先後而奔喪今邾子方來備朝禮衛侯晉侯方來備聘事於王喪若越人備秦人之肥瘠魯不與焉而左氏以為禮此何禮乎滕定公薨世子定為三年喪父兄百官皆不欲曰吾宗國魯先君莫之行也喪紀益廢民習於耳目而不察故後世以日易月人子安而行之不知春秋之義無君臣之禮豈不惜哉

庚靈王二年晉悼之二齊靈十一衛獻六蔡景二

十八杞桓六十六宋平五秦景六楚共二十吳壽夢十五

春三月葬簡公

鄭成師伐宋

夏五月庚寅夫人姜氏薨音註姜氏襄公

六月庚辰鄭伯輪卒音註輪昆去反薨上成公卒子倍公髡頑立

晉師悼宋師平衛獻甯殖侵鄭

秋七月仲孫蔑會晉荀瑩宋華元衛孫林父

曹人成邾人宣于戚

己丑葬我小君齊姜

叔孫豹如宋

冬仲孫蔑會魯荀瑩齊崔杼宋華元衛孫林父
曹人邾人滕人薛人小邾人于戚遂城虎牢

虎牢鄭地故稱制邑至漢為成臯今為汜水
縣巖險聞於天下猶虞之下陽趙之上黨魏
之安邑燕之榆關吳之西陵蜀之漢樂地有
所必據城有所必守而不可以棄焉者也有
是險而不能守故不繫於鄭然則據地設險
亦所貴乎天險不可升也地險山川丘陵也
王公設險以守其國大易之訓也城郭溝池
以為固亦君子之所謹也警斯池築斯城與
民守之孟子之所以語滕君也夫狃焉思啟
封疆而爭地以戰殺人盈野爭城以戰殺人
盈城者固非春秋之所貴守天子之土繼先
君之世不能設險守國將至於遷潰滅亡亦
非聖人之所必故城虎牢而不繫於鄭程氏
以為責鄭之不能守也其聖人以待衰世之

意小康
之事耶

楚終其大夫公子申

辛靈王二年(晉悼二(齊靈十二(衛獻七(蔡景二
卯二年)十二(鄭僖公兒頑元年(曹成八陳

成二十九(杞桓六十七(宋平六(秦
景七(楚共二十一(吳壽夢十六

春楚公子嬰齊帥師伐吳音註楚始伐吳

公如晉

夏四月壬戌公及晉侯盟于長檮音註長檮晉地檮敕

及居

公至自晉

六月公會單子晉侯悼宋公平衛侯獻鄭伯僖

莒子犁邾子宣齊世子光已未同盟于雞澤

音註
雞澤

同盟或以為有王例一則王臣預盟而書同
二則諸侯同欲而書同三則惡其反覆而書
同夫惡其反覆與諸侯同欲而書同信矣王
臣預盟而書同義則未安盟于女栗及蘇子
也而不書同盟于洮于翟泉會王人也而不
書同盟然則此三盟者正所謂諸侯同欲而書
同盟也其同欲奈何同病楚也會于柯陵之
歲夏伐鄭楚人師于洮而諸侯還雞澤之盟陳袁僑
楚人師于洮而諸侯還雞澤之盟陳袁僑
如會楚師在繁陽而韓獻子懼平立之行楚
棄疾立復封陳蔡而中國恐是知此三盟者
諸侯皆有戒心而脩盟或稱同不以與子單

子劉子亦預此盟而譏之也夫王臣將命必
博信明義而後可以表正乎天下諸侯守邦
必尊王奉法而後可以保其社稷今王臣下
與諸侯約誓諸侯亦敢上與王臣要言斯大
亂之道也則亦不待**音註**惡去声下同要
書同盟而罪自見矣

陳侯成使袁僑如會

戊寅叔孫豹及諸侯之大夫及陳袁僑盟**音註**

諸侯在而大夫
自為盟始於此

秋公至自會

冬晉荀瑩帥師伐許

壬靈王四年晉悼四齊靈十三衛獻八蔡景二
辰三年鄭僖二曹成九陳成三十卒

杞桓六十八(宋)平七(秦)景八
楚共二十二(吳)壽夢十七

春王三月己酉陳侯午卒

音註 成公卒子
哀公孫立

午者襄公名也孔子作春秋在哀公之世襄
宮哀公之皇考也曷不諱乎古者死而無諡
不以名為諱周人以謚易名於是乎有諱禮
故孟子曰諱名不諱姓姓所同也名所獨也
然禮律所載則有不諱者夫子兼帝王之道
參文質之中而作春秋以法萬世如公薨不
地滅國書取出奔稱孫之類所以放其文也
莊公名同而書同盟僖公名申而書戊申定
公名宋而書宋人之類所以從其質也後世
不名此義則有以諱易人之名者又有以諱
易入之姓者詩書則諱臨文則諱嫌名則諱
二名則偏諱愚者違禮以為孝諛者獻佞以
為忠忌諱繁名實亂
而春秋之法不行矣

夏秋孫豹如晉

秋七月戊子夫人妣氏薨

音註 妣氏成公妾襄
公母以祀姓

葬陳成公

八月辛亥葬我小君定妣

音註 定謚
也

冬公如晉

陳人哀圍頓

癸靈王五年(晉)悼五(齊)靈十四(衛)獻九(蔡)景二
巳四年(鄭)僖三(曹)成十(陳)哀公穆元

九年(杞)桓六十九(宋)平八(秦)景
九(楚)共二十三(吳)壽夢十八

春公至自晉

夏鄭伯使公子發來聘

叔孫豹鄆世子巫如晉音註夫以鄆世子比魯大夫故書叔孫豹鄆

如晉世子巫

仲孫蔑衛孫林父會吳于善道音註善道吳地

受命於晉故不言及吳

秋大雩

楚殺其大夫公子壬夫

公會晉侯宋公陳侯衛侯鄭伯曹伯邾子宣莒

子比滕子成薛伯齊世子靈光吳人鄆人于戚

音註戚衛地○於是盟于戚吳初與諸侯盟也

三年見哀十

吳何以稱人按左氏吳子使壽越如晉請聽諸侯之好晉人將為之合諸侯使魯衛大夫會吳于善道且告會期然則戚之事乃吳人來會不為主也來會諸侯而不為主則進而稱人諸侯往與之會而主吳則敗而音註稱國聖人之情見矣春秋之義明矣音註去

公至自會

冬戍陳音註戍不書惟悼公之

楚公子貞帥師伐陳

公會晉侯宋公衛侯鄭伯曹伯齊世子先救陳
十有二月公至自救陳

辛未季孫行父卒

甲靈王六年 晉悼六齊靈十五衛獻十蔡景二

午五年 鄭僖四曹成十一陳哀二

春王三月壬午杞伯姑容卒

音註

桓公卒子

夏朱華弱來奔

秋葬杞桓公

滕子來朝

莒人滅鄆

穀梁子曰莒人滅鄆非滅也立異姓以蒞祭
祀滅亡之道也公羊亦云莒女有為鄆夫人
者蓋欲立其出也或曰鄆取莒公子為後罪
在鄆子不在莒人春秋應以梁亡之例而書
鄆亡不當但責莒人也今直罪莒舍鄆何哉
曰莒人之以其子為鄆後與黃歇進李園之
妹於楚王呂不韋獻邯鄲之姬於秦公子其
事雖殊其欲滅人之祀而有其國則一也春
秋所以釋鄆而罪莒者歟以此防民猶有
以韓謚為世嗣昏亂紀度如郭氏者

冬叔孫豹如邾

季孫宿如晉

音註 宿行父

十有二月齊侯滅萊

音註

萊姜姓子爵

七年靈王 晉悼七 齊靈十六 衛獻十一 秦景

三 杞孝公 句元年 宋平十 秦景

十一 楚共 二十五 吳壽 夢二十

春鄭子來朝音註 知國名 少皞

夏四月三卜郊不從乃免牲

小邾子宣來朝

城費音註 費魯邑音秘 口自

費李氏邑也 按左氏南遺為費宰叔仲昭伯

為隧正欲善李氏而求媚於南遺謂遺請城

費者多與而後故季氏城費夫文子相三君

無衣帛之妾無食粟之馬無藏金玉無重器

備則固忠於公室而不顧其所食之私邑也

及行父卒宿之不忠遂專魯國之政辟小媚

秋季孫宿如衛

八月螽

冬十月衛侯獻使孫林父來聘壬戌及孫林父

盟

楚公子貞帥師圍陳

十有二月公會晉侯宋公陳侯衛侯曹伯成莒

之無故勞民妄興是後季氏益張其浚孔子
行乎季孫三月不違至於帥師墮費其越社
不度可知矣然則書城費乃履霜堅冰之戒
強私家弱公室之萌據事直書而義自見矣
用人不惟其賢惟
其世豈不殆哉

子卑邾子宣

于鄆音註

鄆鄭地音

鄭伯髡頑如會未見諸侯丙戌卒于鄆音註

髡音註

是為子鄆所弑也○僖公弑簡公嘉立
按鄭僖公三傳皆以為弑而春秋書卒者左
氏則曰以瘡疾赴也公羊則曰為中國諱也
穀梁則曰不使夷狄之民加乎中國之君也
夫弑而可以偽赴又順其欲而不彰則亂臣
賊子免於見討而春秋非傳信之書矣然則
弑而書卒三傳以為為中國諱不使夷狄之
民加中國之君疑得聖人之意顧習其說者
未之察爾夫弑君之賊其惡不待貶絕而自
見矣見弑者豈無不善之積以及其身者乎
衛桓則以媵母無寵宋殤則以亟戰疲民齊
襄則以行同鳥獸鄭夷則以侮慢大臣蔡景
則以淫而不父陳平國則以殺諫臣而通謀

十四

夏氏楚虔則以多行無禮矣齊則以嬖孽而
國人不知之君吳餘祭則以輕近刑人而晉州
蒲欲盡去群大夫而立其左右也君夫鄭僖
公則異於是矣中國者禮義之所出也夷狄
者禽獸之與鄰也僖公欲從諸侯會于鄆則
是貴禮義為中國之君也諸大夫欲背諸夏
與荆楚則是近禽獸為夷狄之民也諸大夫
之君而見弑於夷狄之民豈有不善之積以
及其身者乎聖人至是傷之甚懼之甚故變
文而書曰鄭伯髡頑如會未見諸侯丙戌卒
于鄆未見諸侯其曰如會何致其志也諸侯
卒于鄆境內不地鄆鄭邑也其曰卒于鄆見其
弑而隱之也卒鄭伯逃歸陳侯聖人之旨微
而公穀之義精矣存天理抑人欲之意遠矣

音註

癩魚畧反為于偽

陳侯

逃歸

音註

自是凡會

毅梁子曰逃義曰逃逃者匹夫之事上二年諸侯成陳今楚令尹來伐諸侯又救之亦既勤矣為陳侯計者下令國中大申徵備立太子以固守親聽命於諸侯謀禦敵之策當是時晉君方明八卿和睦諸侯聽命必能致力於陳矣不此之顧棄儀衛而逃歸此匹夫之事耳夫義路也禮門也輕棄中國惟蠻夷之懼是不能由是路出入是門故書逃歸以罪之可謂深切著明矣

丙申七年八年
晉悼八齊靈十七衛獻十二燕景十七鄭簡公嘉元年曹成十三

春王正月公如晉

夏葬鄭僖公

鄭人簡侵蔡獲蔡公子燹

季孫宿會晉侯鄭伯齊人宋人衛人

邾人宣于邢丘音註

蘇轍曰晉悼公備文襄之業政命朝聘之數使諸侯之大夫聽命於會大夫稱人衆詞也朝聘之節儉而有禮衆之所安也臣則以為大夫稱人敗之也昔周公戒成王以繼自今我其立政立事夫不自為政而委於臣下是以國之利器示人而不知寶也朝聘事之大者重煩諸侯而使大夫聽命無乃以姑息愛人而不由德乎使政在大夫而諸侯失國又豈所以愛之也後此八年溴梁之會悼公初設諸侯皆在而大夫獨盟君若贅旒夫豈一朝一夕之故哉故邢丘之事魯公在晉而季孫宿會見魯之失正也諸侯之大夫賤而稱

人謹其始也

公至自晉

莒人伐我東鄙

秋九月大雩

冬楚公子貞帥師伐鄭

齊宣王問於孟子交鄰國有道乎孟子曰有惟智者為能以小事大故太王事獯鬻句踐事吳以小事大畏天者也畏天者保其國鄭介大國之間因強楚之令而欲息肩於晉若能信任仁賢明其刑政經畫財賦以禮法自守而親比四鄰必能保其封境荆楚雖大何畏焉而子耳子國加兵於蔡獲公子燮無故怒楚所謂不備文德而有武功者也楚人來

討不從則力不能敵從之則晉師必至故國入皆喜而子產獨不順焉以晉楚之爭鄭自茲弗得寧矣是以獲公子燮特書侵蔡以罪之而公子貞來伐鄭及楚平不復書矣平而不書以見鄭之屈服於楚而不信也據莊王帛特於境上以待強者而請盟其能國乎

晉侯使士匄來聘

丁酉九年
靈于
晉悼九
齊靈十八
衛獻十三
蔡景
杞孝三
宋平十二
秦景十二
曹成十四
陳哀五
楚共二十七
吳壽夢二十二

春宋災

夏季孫宿如晉

五月辛酉夫人姜氏薨音註姜氏成公母

秋八月癸未葬我小君穆姜

冬公會晉侯悼宋公平衛侯獻曹伯成莒子比

邾子宣滕子成薛伯杞伯小邾子齊世子靈光

伐鄭簡十有二月己亥同盟于戲音註戲鄭地

鄭之見伐於楚子駟欲從楚子展曰小國無信兵亂日至亡無日矣請完守以老楚執信以待晉其策未為失也而子駟遂及楚盟於是晉師至矣諸侯伐鄭晉人令於列國脩器備盛饑糧歸老幼居疾于虎牢肆青圖鄭人恐乃行成荀偃曰遂圍之以待楚人之救而與之戰不然無成知罃曰許之盟而還師以敵楚吾三分四軍與諸侯之說以逆來者於我未病楚不能矣猶愈於戰暴骨以逞不可以爭大勞未艾君子勞心小人勞力先王

之制也乃許鄭成同盟於戲夫善為國者不師善師者不陣善陣者不戰知武子明於善陣之法以佐晉悼公屢與諸侯伐鄭楚輒救之而不與之戰楚師遂屈得善勝之道矣故下書蕭魚之會以美之音註艾魚廢反

楚子共伐鄭簡

戊靈王十年晉悼十齊靈十九衛獻十四蔡景

杞共二十四宋平十三秦景十四

春公會晉侯宋公平衛侯獻曹伯成莒子比邾

子宣滕子成薛伯杞伯小邾子齊世子靈光會

吳子相音註相音杏

夏五月甲午遂滅偃陽

音註

偃陽妘姓國今彭城傳陽縣偃音福

又音逼○此通吳晉往來之道也

公至自會

楚公子貞鄭公孫輒帥師伐宋

晉師伐秦

秋宮人伐我東鄙

公會晉侯宋公

平衛侯

獻曹伯

成莒子

此邾子

宣齊世子光

靈滕子

成

薛伯杞伯小邾子伐鄭

音註

此悼公三駕之一

冬盜殺鄭公子駮公子發公孫輒

音註

盜賊也

者而曰殺三卿鄭之夫政甚矣是故書盜自此始

按左氏鄭公子駮當國發為司馬輒為司空駮兵尉止有爭及為田洹司氏堵氏侯氏子

師氏皆喪田故五族聚群不逞之徒以為亂入西宮殺三卿于朝不稱大夫程氏以為失

卿職也卿大夫者因君之陪貳政之本也本強則精神折衝聞有偃息談笑而卻敵國之

兵勝千里之難者矣乃至於身不能保而盜得殺之于朝安在其為陪貳乎故削其大夫

為當官失職者之鑒也

音註

喪去

成鄭虎牢楚公子貞帥師救鄭

音註 向也曰虎牢今也曰

鄭虎牢何不繫之稱者為天下城之也繫之鄭者為鄭成之也是故楚丘不繫之衛綠陵不繫

之祀梁山沙鹿不繫之晉皆非一國之辭也邢
部部繫之紀彭城繫之宋皆一國之辭也○楚
數救鄭矣宣元年為賈二年間椒九年子重十
六年楚子十七年子重公子申皆不書於是始
書救鄭以為晉懷復伯楚欲救而不能也是故
書救陳見晉之終失陳書救鄭見楚之終失鄭
爾云

虎牢之地城不繫鄭者責在鄭也成而繫鄭
者罪諸侯也曷為責鄭設險所以守國有是
險而不能設犧牲玉帛特盟境上使其民人
不享土利辛苦墊隘無所底告然後請成故
城不繫鄭者責其不能有也曷為罪諸侯夫
鄭人從楚固云不義然中國所以城之者非
欲斷荆楚之路為鄭蔽也駐師拒險以逼之
爾至是伐而復成焉猶前志也則可謂以義
服之乎故成而繫鄭者若曰鄭國分地受諸
天子非列國所得專所以罪諸侯也聖人既

以虎牢還繫於鄭又書楚公子貞帥師救三
諸侯之罪益明矣夫以救許楚所以深罪諸
侯不能保鄭肆其陵逼曾荆楚
不若也亦可謂深切著明也哉

公至自伐鄭

已靈王十有一年晉悼十一齊靈二十衛獻十
六陳哀七杞孝五宋平十四秦景
十五楚共二十九吳壽夢二十四

春王正月

作三軍音註

此志三家分
公室之始

三軍魯之舊也古者大國三軍次國二軍小
國一軍魯侯封於曲阜地方數百里天下莫
強焉及僖公時能復周公之宇而史克作頌
其詩曰公車千乘說者以為大國之賦也又

曰公徒三萬說者以為大國之軍也故知三軍魯之舊爾然車而謂之公車則臣下無私乘也徒而謂之公徒則臣下無私民也若有侵伐諸卿更帥以出事畢則將歸於朝車復於甸甲散於丘卒還於邑將皆公家之臣兵皆公家之衆不相繫也文宣以來政在私門襄公幼弱季氏益張廢公室之三軍而三家各有其一季氏盡征焉而舊法亡矣是以謂之作其明年季孫宿救台遂入鄆又其後享范獻子而公臣不能具三耦民不屬公可知矣春秋書其作舍以見昭公失國定公無正而兵權不可去公室有天下國家者之所宜

也
夏四月四卜郊不從乃不郊
鄭公孫舍之帥師侵宋

公會晉侯宋公

平衛侯

獻曹伯

成齊世子光

享

犁邾子

宣滕子

成薛伯

成紀伯

成小邾子

伐鄭

音註

此悼公三駕之二

秋七月己未同盟于亳城北公至自伐鄭

亳城鄭地亳蒲落反

楚子鄭伯伐宋

盟于亳城北鄭服而同盟也尋復從楚伐宋故書同盟見其既同而又叛也既同而又叛從子展之謀欲致晉師而後兵之也故亳之盟其載書曰或問茲命明神殛之俾失其民隊命亡氏陪其國家雖渝此盟而不顧也噫慢鬼神至於此極而盟猶足恃乎

音註

復扶又反
見音現

公會晉侯宋公衛侯曹伯齊世子光莒子邾子

滕子薛伯杞伯小邾子伐鄭會于蕭魚音註

鄭地此悼公三駕之三○伐鄭會于蕭魚

序績也○自是鄭不叛晉者二十四年

程氏曰會于蕭魚鄭又服而請會也不書鄭

會謂其不可信也而晉悼公推至誠以待人

信鄭不疑禮其囚而歸焉納斥候禁侵掠遣

叔盱告于諸侯而鄭自此不復背晉者二十

四年至哉誠之能感人也自悼公能謀於魏

絳以息民聽於知武子而不與楚戰故三駕

而楚不能與之爭雖

城濮之績不越是矣

公至自會

楚人共執鄭行人良霄音註

即伯有公孫輒之子

秦人伐鄭

十有二年

春三月莒人伐我東鄙圍台季孫宿帥師救台

莒人鄭書註

鄭書也也遂若生事也入者送詞也大夫

之禮使公不得有為於其國也或曰古者

春秋胡傳卷之廿一終

公會于魚台... 孫子薛伯祀伯小邾子伐鄭會于蕭魚音註

鄭地也... 自是鄭不叛晉者二十四年

程氏曰... 會于蕭魚鄭又服而請會也不書鄭

信鄭不疑... 禮其因而歸焉

叔貽告于諸侯... 而鄭自此不復背晉者二十

四年至哉... 誠之能感人也

降以息民... 聽於知武子而不與楚戰故三

秦人外... 不越是矣

春秋胡傳卷之二十二

襄公中

庚靈王十一年 十有二年 晉悼十二 齊靈二十一 衛

子 五曹成十七 陳哀八 杞孝六 宋平十五 鄭簡

秦景十六 楚共三十 吳壽夢二十五 卒

春三月宮人伐我東鄙圍台李孫宿帥師救台

遂入鄆音註 魯邑合瑯琊費縣有

鄆音邑也 遂者生事也 入者逆詞也 大夫無

遂事受命而救台不受命而入鄆惡季孫宿

也昭公遂定無正夫豈一朝一夕之故哉其所由來者漸矣

夏晉侯使士魴來聘

秋九月吳子乘卒音註

壽夢卒子諸樊立吳始書卒

冬楚公子貞帥師侵宋

公如晉

辛靈王十

十有三年

晉悼十三齊靈二十二鄭簡

丑二年

六曹成十八陳哀九杞孝七宋平十六秦景十七楚共三十一卒吳諸樊過元年

春公至自晉

夏取邾音註

邾小國今任城亢父縣有邾亭是已音詩

秋九月庚辰楚子審卒音註

共王卒子康王昭立

冬城防音註

防臧氏邑

壬靈王十

十有四年

晉悼十四齊靈二十三衛

七曹成十九陳哀十杞孝八宋平十七秦景十八楚康王昭元年吳諸樊二

春王正月季孫宿叔老會魯

悼士匄齊人靈宋

人平衛人獻鄭簡

公孫萬曹人成莒人犁邾人

比邾人

宣滕人成薛人杞人小邾人會吳人于向音註

靈丑邁反向鄭地叔老穀伯子魯使三卿會晉

敬事伯國晉人自是輕魯幣而益敬其使故叔老雖介亦列於會齊崔杼宋華閱衛北宮括在會惰慢不攝故貶稱人蓋欲以督率諸侯與成

伯功也吳來在何諸

使舉上客而叔老並書者以內卿行則不得
不書矣季孫宿以卿為介而不使之免叔老
介於宿而不敢避蓋兩失之雖晉人輕其
幣而敬其使於君命使人之體豈為得哉

二月乙未朔日有食之

夏四月叔孫豹會晉悼荀偃齊人靈宋人平衛

獻北宮括鄭簡公孫萬曹貳成莒人黎邾人宣

滕人成薛人杞人小邾人伐秦音註正此晉楚

兵爭始於韓而終於十三國之伐

已未衛侯出奔齊音註獻公出衛人立公孫剽

按左氏衛甯殖將死語其子曰吾得罪於君
名在諸侯之策曰孫林父甯殖出其君夫所
謂諸侯之策則列國之史也諸侯則若晉若
魯是也史則若晉之乘魯之春秋是也今春
秋書衛侯出奔齊而不曰孫林父甯殖出其
君者蓋仲尼筆削不因舊史之文也欲知其
之大義深考舊文筆削之不同其得之矣或
曰孫甯出君衆所同疾史策書之是也聖人
曷為掩姦藏惡不暴其罪而以歸咎人主何
哉曰臣而逐君其罪已明矣人君擅一國之
名寵神之主而民之望也愛之如父母仰之
如日月敬之如神明畏之如雷霆何可出也
所為見逐無乃肆於民上縱其淫虐以棄天
地之性乎故衛衎出奔使祝宗告亡且告無
罪而定姜曰有罪若何告無春秋端本清源
之書故不書所逐之臣而以自奔為名所以
警乎人君者為後世鑒非
聖人莫能儲之為此類也

莒人侵我東鄙

秋楚公子貞帥師伐吳

冬季孫宿會晉悼士句宋平華闕衛孫林

父鄭簡公孫蔓莒人邾人于戚音註邑孫林父

衛孫林父立公孫剽而會晉于戚以定之襄昭之際大夫無君之禍晉為之也悼公之德衰矣

癸靈王十有五年音註晉悼十五卒齊靈二十四

景三十四鄭簡八音註成二十陳哀十一杞孝

九宋平十八秦景十九楚康二吳諸樊三

春宋公使向成來聘二月己亥及向成盟于劉

音註地登魯

劉夏逆王后于齊音註

劉夏天子大夫劉采地夏名也

劉夏何以不稱使不與天子之使夏也昏姻人倫之本王后天下之母劉夏士也士而逆

后是不重人倫之本而輕天下之母矣然則何使卿往逆公監之禮也官師從單靖公逆

王后于齊書劉夏而不書靖公是知卿往逆公監之禮也春秋昏姻得禮皆常事不書

音註善單音

夏齊侯伐我北鄙圍郕公救郕至遇

音註郕魯地遇

魯地書至遇公畏齊不敢至郕

季孫宿叔孫豹帥師城成郛音註

郛城之外城也

秋八月丁巳日有食之

邾人伐我南鄙

冬十有一月癸亥晉侯周卒

音註 悼公卒子平公彪立

甲靈王十有六年晉平公彪元年齊靈二十五年

十五鄭簡九曹成二十一十一陳哀十二杞孝

春王正月葬晉悼公

三月公會晉侯宋公衛侯鄭伯曹伯

成莒子邾子薛伯杞伯小邾子于澠梁戍

音註 澠水名出河內軹縣東南至澠

但曰諸侯者無伯也君在焉而但曰大夫者無君也是故自文而下盟于亳會于亳則有斥言

諸侯而不序自襄而下澠水

盟則有斥言大夫而不序

師及諸侯之大夫既次于匡則書曰公孫敖帥

而陳侯使袁僑如會則書曰叔孫豹及諸侯

之大夫及陳袁僑盟今澠梁之會諸侯皆在

是若欲使大夫盟者則宜書魯卿及諸侯之

大夫皆不臣也十二年春正月會于向十有四

國之大夫也夏四月會伐秦十有三國之大

夫也冬會于成七國之大夫也此三會皆國

矣有國者謹於禮而不敢忽
此春秋以待後世之意也

晉人平執莒子比邾子宣以歸音註與去聲見音現

齊侯伐我北鄙

夏公至自會

五月甲子地震

叔老會鄭伯簡音註晉荀偃衛甯殂宋人平伐

許晉音註鄭非主兵也則曷為會鄭伯春秋不以大夫主諸侯則書會鄭

大義夷夏之辨君臣之分而已是故僖十九年盟于齊陳非主盟也不以夷狄主中國則書會

陳今年伐許鄭非主兵也不以大夫主諸侯則書會鄭

齊侯靈伐我北鄙圍郕

大雩

冬叔孫豹如晉

十有七年音註齊靈二十六衛獻

春王二月庚午邾子貜卒音註卒悼公華立

宋人平伐陳哀

夏衛石買音註帥師伐曹

秋齊侯伐我北鄙圍桃音註桃魯地并縣東南有桃墟

齊高厚帥師伐我北鄙圍防

音註

防藏紇邑伐

大夫始此自隱以來齊伐我皆書人君將書君自文十五年始大夫將書大夫自高厚始

九月大雩

宋華臣出奔陳

冬邾人伐我南鄙

丙靈王十

十有八年

(晉)平三(齊)靈二十七(衛)獻

午七年

鄭簡十一(曹)成二十三(陳)哀十四(杞)孝十二

(宋)平二十一(秦)景二十三(楚)康五(吳)諸樊六

春白狄來

劉敞曰夷狄於中國無事焉其於天子世一見則諸侯雖善其交際不得而通也是以春

夏晉人執衛行人石買

音註

石買即是伐曹者

晉因其為行人之使執之故書行人以罪晉

秋齊師伐我北鄙

冬十月公會晉侯

宋公

衛侯

鄭伯

曹

伯成

莒子

邾子

悼

滕子

薛伯

杞伯

小邾子

圍齊

音註

同圍齊非但晉志也自圍齊之後晉師無君將雖大夫之師出無與於諸

義矣

秋亦不與其朝不與其朝者懲淫慝一內外也周公致太平越裳氏重九譯而獻其白雉公曰君子德不及焉不享其贄此乃天子而讓也况列國之君乎守藩之臣乎

凡侵伐圍入未有書同者而獨於此書同圍
齊何也齊環皆盟棄好陵虐神主肆其暴橫
數伐鄰國觀加兵於魯則可見矣諸侯所共
惡疾故同心而圍之也同心圍齊其以伐致
何也見齊環無道宜得惡疾大諸侯之伐而
免其圍齊之罪辭也春秋於此有阻橫逆抑
強暴之意孟子曰國必自伐而後人伐之自
作孽不可道其齊侯環之謂矣尚誰懟哉

音註 沮在 呂反

曹伯負芻卒于師

楚公子午帥師伐鄭

十有九年 晉平四齊靈二十八卒衛
獻二十三殤五蔡景三十
未八年 鄭簡十二曹武公滕元年陳哀十五杞孝十
八鄭簡十二曹武公滕元年陳哀十五杞孝十
三宋平二十二秦景二十三楚康六吳諸樊七

春王正月諸侯盟于祝柯 **音註** 祝柯齊邑今齊州禹城縣

晉人執邾子悼

公至自伐齊

取邾田自漵 **音註** 漵水出東海合鄉縣西南經魯國至高平湖陸縣入

泗水漵音郭

季孫宿如晉

葬曹成公

夏衛孫林父帥師伐齊

秋七月辛卯齊侯環卒 **音註** 靈公卒子莊公光左

晉士句帥師侵齊至穀聞齊侯卒乃還

穀齊地也還者終事之詞古之為師不伐喪大夫以君命出境有可以安國家利社稷者則專之可也世衰道微暴行交作利人之難以成其私欲者衆矣士句乃有惻隱之心聞齊侯卒而還不亦善乎或曰君不尸小事臣不專大名為士句者宜墀帷而歸命乎介則非矣使士句未出晉境如是焉可也已至齊地則進退在士句矣猶欲墀帷而歸命乎介則非古者命將不從中覆專制境外之意而况喪必不可伐非進退可疑而待請者故至穀聞齊侯卒乃還善之也

八月丙辰仲蔑卒

齊殺其大夫高厚

廿五

鄭殺其大夫公子嘉

按左氏初盜殺鄭三卿於西宮之朝公子嘉知而不言既又欲起楚師以去諸大夫故楚人伐鄭至於純門而返至是嘉之為政也專國人患之乃討西宮之難與純門之師子展子西率國人殺嘉而分其室不稱鄭人者嘉則有罪矣而子展子西不能正以王法肆諸市朝與衆同棄乃利其室而分之有私意焉故稱國以殺而不去其官此春秋原情定罪之意也

冬葬齊靈公

城西郭音註

西郭國都外城之西郭也

叔孫豹會魯士句于柯音註

柯衛地今魏郡內黃縣東北有柯城

城武城音註

武城魯邑今泰

申九年二十年晉平五齊莊公光元年衛獻

簡十三曹武二陳哀十六祀孝十四宋平

春王正月辛亥仲孫速會齊人比盟于向音註

向音

夏六月庚申公會晉侯齊侯宋公平衛侯

鄭伯曹伯莒子邾子滕子薛伯杞伯

小邾子盟于澶淵音註

秋公至自會

仲孫速帥師伐邾

蔡殺其大夫公子燹蔡公子履出奔楚

按左氏初蔡文侯欲事晉曰先君與於踐土之盟晉不可棄且兄弟也畏楚不能行而卒楚人使蔡無常公子燹求從先君以利蔡謀國之合於義者也國人乃不順焉而殺燹此何罪矣故稱國而不去其官公子履其母弟也進不能正國退不能遠害懼禍而奔從於夷狄書者罪之也

陳侯之弟黃出奔楚

叔老如齊

冬十月丙辰朔日有食之

季孫宿如宋

西(已)靈王二十有一年(晉)平(六)齊(莊)二(衛)獻二

簡十四(曹)武三(陳)哀十七(杞)孝十五(宋)平二十

四(秦)景二十五(楚)康八(吳)諸樊九是年十一月

子生 庚子孔

春王正月公如晉 悼 邾庶其以漆問丘來奔音註 漆邾邑今山陽

問丘邾邑今山陽南平縣有問丘亭

庶其邾大夫也春秋小國之大夫不書其姓氏微也其以事接我則書其姓氏謹之也邾庶其以大夫即魯而圖昏接我不以禮者也邾庶其以地叛其君而來奔接我不以義者也

以欲敗禮則身必危以利棄義則國必亂春秋禮義之大宗故小國之大夫接我以利欲則特書其姓氏謹之也漆一邑問丘一邑而不言及者庶其之私邑所受於君而食之者也此叛臣何以不書叛書名書地而竊邑叛之罪見矣夫棄夷狄從諸夏其慕義之心不可與也然有據城以求援者君子猶以為其地之罪亦見矣

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之

曹伯來朝

公會晉侯平齊侯宋公平衛侯殤鄭伯簡曹伯

武芎字比邾子悼于商任音註商任地闕

二十有二年晉平七齊莊三衛獻二

鄭簡十五曹武四陳哀十八杞孝十六宋

春王正月公至自晉

夏四月

秋七月辛酉叔老卒音註子叔齊

冬公會晉侯平齊侯莊宋公平衛侯殤鄭伯簡

曹伯武邕子邾子薛伯杞伯孝小邾子于沙

隨音註沙隨

按左氏會于商任錮樂氏也會于沙隨復錮樂氏也古者大夫去國君不掃其社稷不繫累其子弟不收其田邑使人導之出疆又先之於其所往勅五典厚人倫也今晉不念樂氏世勲而逐盈又將搏執之而命諸侯無得納焉則亦過也楚逐申公巫臣子反請以重幣錮之楚子曰止彼若能利國家雖重幣晉將可乎若無益於晉晉將棄之何勞錮焉其賢於商任沙隨之謀遠矣

公至自會

楚殺其大夫公子追舒音註追舒即子南也

辛靈王二十有三年（晉平八）齊莊四（衛）獻二
英十二年（鄭簡十六）曹武五（陳）哀十九（杞）孝十七卒（宋）
平二十六（秦）景二十七（楚）康十（吳）諸樊十一

春王二月癸酉朔日有食之

三月乙巳杞伯匄卒音註 孝公卒弟文公姑容立

夏邾畀我來奔

葬杞孝公

陳殺其大夫慶虎及慶寅

按左氏慶虎無道求專陳國暴蔑其君畏公子黃之偪而愬諸楚曰與蔡司馬同謀楚人以為討公子黃奔楚愬之二慶以陳叛楚屈建圍陳殺二慶夫人君擅一國之利勢使其

臣暴蔑其身而不能遠欲去其親而不能保
諸愬之於大國而不能辨至因夷狄之力然
後能克則非君人之道也故二慶之死稱國
以殺公子黃之出特以弟書者譏歸陳侯也
凡此皆春秋音註去遠去去聲
端本之意去上聲

陳侯之弟黃自楚歸于陳

晉欒盈復入于晉入于曲沃音註 曲沃晉邑在河東聞善縣

欒氏晉室之世臣故盈雖出奔猶繫於晉復
入者甚逆之辭為其既絕而復入也曲沃者
所食之地當是時權寵之臣各以利誘其下
使為之用至於殺身而不避莫知有君臣之
分者也故聞語欒孺子者則或泣或歎以為
得主而為之死猶不死也盈從之遂入絳乘
公門若非天棄欒氏又有范鞅之謀晉亦殆
矣原其失在於銅之甚急使無所容於天地

之間是以至此極春秋傳書之以見人而不仁疾之已甚亂也其為後世鑒豈不深切著明也哉

秋齊侯伐衛莊遂伐晉音註此其書遂何齊已伐盟主也自

衰婁以來齊世從晉於是始叛則晉伯衰而諸侯貳矣晉之衰諸夏之憂也

八月叔孫豹帥師救晉次于雍榆音註雍榆晉

郡朝歌縣東有雍榆城雍榆用反榆一作渝

次而後救匿其救之形也救而先次宣其救

之之聲也○自救晉而天下益多故矣盟于宋

而南之勢成會于申而淮夷至戰于雞父而

吳之敗者六國於越入吳春秋終焉蓋於是焉

始故謹而書之也是故自救盟主他救皆不書

如昭二十一年晉以諸侯之師救宋三十年

年楚救徐之類皆不書以為不足書也

已卯仲孫速卒音註仲孫速孟

冬十月乙亥臧孫紇出奔邾

晉人救欒盪

齊侯莊襲莒音註此春秋書襲者

壬靈王二十有四年音註晉平九齊莊五衛獻二

子簡十七曹武六陳哀二十杞文益姑元年宋

平二十七秦景二十八楚康十一吳諸樊十二

春叔孫豹如晉

仲孫羯帥師侵齊莊

夏楚子伐吳

秋七月甲子朔日有食之既

齊北 崔杼帥師伐莒

大水

八月癸巳朔日有食之

公會于平 衛侯 鄭伯 曹伯 莒

子 比 邾子 悼 滕子 薛伯 杞伯 小邾子 于夷儀

音註 夷儀本邢地衛 滅邢而為衛邑

冬楚子 康 蔡侯 景 陳侯 哀 許男 悼 伐鄭

公至自會

陳鍼宜咎出奔楚音註 宜咎陳大夫鍼子八世 孫也其後在楚為箴尹

宜咎

叔孫豹如京師

大饑

古者救災之政若國凶荒或發廩以賑之或 移粟以通用或徙民以就食或為粥溢以救 饑莩或興工作以聚失業之人緩刑舍禁弛 力薄征索鬼神除盜賊弛射侯而不燕置廷 道而不脩殺禮物而不備雖有旱乾水溢民 無菜色所以備之者如此其至是年秋有陰 沴之災而冬大饑蓋所以賑崇音註 舍音捨 之者有不備矣故書之以為戒音註 沴音戾 癸靈王二十有五年晉平十齊莊六弒衛獻 丑十四年二十九殤十一蔡景四

十四(鄭)簡十八(曹)武七(陳)哀二十七(杞)文二(宋)平二十八(秦)景二十九(楚)康十二(吳)諸樊十三卒

春齊崔杼帥師伐我北鄙

夏五月乙亥齊崔杼弑其君光

音註

杼音主○ 莊公弑弟

景公杼

齊莊公見弑賈舉州綽等十人皆死之而不
得以死節稱何也所謂死節者以義事君貴
難陳善有所從違而不苟者是也雖在屬車
後乘必不肯同八崔氏之宮矣若此十人者
獨以勇力聞皆逢君之惡從於昏亂而莊公
變之者死非其所比諸匹夫匹婦自經於溝
瀆而莫之知者猶不逮也晏平仲曰君民者
豈以陵民社稷是主臣君者豈為其口實社
稷是養故君為社稷死則死之為社稷亡則
亡之若為已死而為已亡非其私暱誰敢任

之此十人者真其私暱任此宜矣雖
殺身不償責安能以死節許之哉

公會晉侯

平

衛侯

鄭伯

簡

曹伯 武 莒

子

比 邾子 悼 滕子 薛伯 文

小邾子 于夷儀

諸侯會于夷儀將以討齊齊使隘鉏請成慶
封如師男女以班賂晉侯以宗器樂器自六
正五吏三十帥三軍之大夫百官之正長師
旅及處守者皆有賂晉侯許之夫晉本為報
朝歌之夜來討及會夷儀既聞崔杼之弑則
宜下令三軍建而復旆聲於齊人問莊公之
故執崔杼以戮之謀於齊衆置君以定其國
示天討之義則方伯連帥之職脩矣今乃知
賊不討而受其賂則是與之同情
也故春秋治之如下文所貶云

六月壬子鄭公孫舍之帥師入陳

春秋左傳

秋八月己巳諸侯同盟于重丘音註儀之所會

者重丘齊地曹州乘氏縣有重丘故城重平聲

許之成故盟于重丘特書曰同

公至自會

衛侯獻入于夷儀

鄭伯突入于櫟衛侯入于夷儀其入則一或名或不名者鄭伯奪正以立而國人君之諸侯助之不知其義不可以有國也故特書其名著王法以絕之衛侯戚其家卿失國出奔固不為無罪矣然有世叔儀以守有母弟鱄以出或撫其內或營其外有歸道焉則其義猶未絕也故止書其爵而不名及寧喜弑剽復歸于衛然後書名此聖人俟其改過遷善

不輕絕人之意曾子曰夫子之道忠恕而已矣此類是也

楚屈建帥師滅舒鳩音註

舒鳩偃姓子爵國

冬鄭公孫良帥師伐陳

十有二月吳子遏伐楚門于巢卒音註

遏即諸樊也音

於焉反巢吳楚間小國廬江六縣有居巢城○諸樊卒弟餘祭立

巢南國也其言門于巢卒者吳子將伐楚引師至巢入其門巢人射諸城上矢中吳子而卒非吳子之自輕而見殺也古者入境必假

道過門必釋甲入國則不馳或曰古者大國過小邑小邑必飾城而請罪亦非巢

之輕以一矢相加不飾城而請罪也

甲寅十五年二十有六年晉平十一齊景公許曰元年衛獻三十殤十三

紂(紂)景四十五(鄭簡十九曹武八陳哀二十三
把)文三(宋平二十九秦)景三十(楚康十三吳子
餘祭九年

春王二月辛卯衛甯喜弑其君剽音註剽匹妙
反殤公

復歸衛

喜嘗受命於其父使納獻公以免逐君之惡
衛侯出入皆以爵稱於義未絕而剽以公孫
非次而立又未有說焉則喜之罪應未滅矣
亦以弑君書何也奕者舉棋不定不勝其耦
况置君乎於衛則殖也出之喜也納之於剽
則殖也立之喜也弑之是奕棋之不若也不
思其終亦甚矣故聖人特正其為弑君之罪
示天下後世使知慎於廢立之際而不敢忽
也霍光以大義廢昌邑立宣帝猶有言其罪
若而朝廷加肅况私意耶范粲桓彞之徒殺

身不顧君子所以深取
之者知春秋之旨矣
音註說音

衛孫林父入于戚以叛音註書叛始於此凡叛

十七年齊高無咎之子弱以盧叛棄二十九年
齊高止之子堅以盧叛不書必卿佐而後書然
宋魚石入于彭城晉栾盈入于曲沃未可以書
叛必若衛孫林父而後可以書叛書叛必不能
也討者

甲午衛侯衎復歸于衛

按左氏孫林父以戚如晉書曰入于戚以叛
者著其據士皆君之罪也臣之祿君實有焉
專祿以周旋戮也衛侯出奔齊入于夷儀皆
以爵稱今既復歸而得國矣乃書其名何也
人之有德慧術知者常存乎疾衛侯淹恤
在外十有二年困於心衡折慮久矣此生於

憂患之時而一旦得國失信無刑猶夫人也
則是困而弗革雖復得國猶非其國也此見
春秋侯人改過之深而責人自
棄之重欲其強於為善之意也

夏晉侯使荀息來聘

音註 荀吳荀

音註 知去聲

衡音橫

公會晉人鄭良霄宋人曹人于澶淵

音註 澶淵近戚

地蓋以討衛而疆戚田也

秋宋公殺其世子痤

音註 才

殺世子母弟直書君者甚之也宋寺人伊戾
為太子內師無寵譖於宋公而殺之則賊世
子痤者寺人矣而獨甚宋公何哉譖言之得
行也必有嬖妾配嬖以惑其心又有小人欲
結內援者以為之助然後愛惡一移父子夫
婦之間不能相保者衆矣尸此者其誰乎晉

獻之殺申生宋公之殺痤直
稱君者春秋正其本之意

八月壬午許男甯卒于楚

音註 靈公卒子悼公立

冬楚子康蔡侯景陳侯哀伐鄭

葬許靈公

春秋胡傳卷之二十二終

